



徐文長文集

卷六
近體詩詞

徐文長文集卷之六

公安袁宏道中郎評點

古歛郝之璧子荆校訂

五言律詩

銅雀妓

重泉鎖玉燕，悶燭繞金蛾。
君銷陵柏土，妾斷偃松蘿。
薦夢無雲雨，留香別綺羅。
願爲銅雀瓦，生死托漳河。

出塞

清麗

漢將去堂堂，邊塵靖不揚。
雪沈荒漠暗，沙攬塞風香。

虜帳朝依水，胡酋夜進觴。舞兒廻袖窄，無奈紫羅香。

琉球刀 時客常山

客將刀出市，云是大琉球。海泛防龍合，天陰聽鬼愁。
揮空霜欲落，脫匣水堪抽。萬里烽煙地，隨身去莫留。

又

單刀新試舞，雙劍舊能輪。雨過腥聞血，風旋雪裹身。
對環歸思動，挂壁剗緜塵。醉後時橫看，終當贈與人。

西北 俱妙

西北誰家婦，雄才似木蘭。一朝馳大道，幾日隘長安。

紅失裙藏鏡，塵生襪打鞍。當壚無不可，轉戰諒非難。

又

金鞍七寶欵，玉手控青絲。人馬才相得，風雲氣本奇。
勢輕香易墮，樣巧影難爲。馳罷雄心在，何曾斂翠眉。

又

尺錦卽成裝，當眉綰結方。須臾撒身手，馳驟蹴風霜。
簷影千門亂，街心一帶長。忽逢游冶子，繫馬問家鄉。

桃花堤上看美人走馬

和青霞君

一鏡圍湖水，千峰遶梵宮。大娘廻劍器，小伎落鸞鴻。

影深穿柳日，蹄響帶花風。望斷梨腮粉，紅塵一道中。
春日過宋諸陵 意悽而調健

藁葬未須憐，生時已播遷。威儀非舊典，世代是何年。
過客悲山鳥，王孫種墓田。回看隴頭樹，似接汴京煙。

又

落日愁山鬼，寒泉鎖殞宮。竟猶驚鐵騎，人自哭遺弓。
白骨夜半語，諸臣地下逢。如聞穆陵道，當日悔和戎。
孟后怨

福薄姑言信，君難國事非。官家儼平昔，賤妾獨何依。

汴水千秋逝，山花幾度稀。還憐先帝寵，夜夜月中歸。

竹月篇爲易道士賦

景色靈

脩竹隱丹扉，蕭蕭映月微。林稠光不礙，葉動白俱飛。
製鼎看圓鬼，裁簫度羽衣。翻經清夜永，猶帶露華歸。

寄尚賓因借石磬

南明棲息久，凡著幾何書。夜峽月生石，朝窻雲入疏。
特懸孤磬在時扣，萬山虛自笑。耽清物，持來一借予。

宛轉詞

宛轉一臂斷，流落二喬輕。覆水已無及，通家如有情。

歸來粧粉暗啼罷。淚痕清。莫道紅裙怯。官家盛甲兵。
湖巖氏有二女。其翁以長者許渭。繼室渭自愆。
盟頃聞爲海寇。斷其翁臂。二女俱被執。旋復
放還。便已作宛轉詞。憐之後。知其長女被執。
時卽自奮墮橋死。幼女放還。亦死。因復賦此。
宛轉詞中覆水句。正悔愆盟也。

訝道自愆盟。天成烈女名。生前旣無分。死後空餘情。
粉化應成碧。神寒儼若生。試看橋上月。幾夜下波明。
順昌道中新晴

解轡投山屋。束鞍聞曙雞。風雲留宿雨。花草踏晴泥。
曉峽喧谿路。春沙泛馬蹄。遙知武夷曲。只在亂峰西。

十六夜宿葉坊玩月

置杜集中誰復可辨

昨照橋中閣。今輝驛口沙。清光迷魍魎。冷暈嘔蝦蟆。
與水浮諸海。將山碧一涯。春風正司令。桂樹暫停花。

杜鵑花

絕幽

煙雨艷陽天。山花發。杜鵑。魂。愁。數。葉。暗。血。清。一。叢。鮮。
正色爭炎日。重臺沓絳箋。春風幾開落。遺恨自年年。

古鏡

雅健

白日淘杯土。青天射兩丸。且須防薄蝕。詎止鑿衣冠。
神物含光易。深山識寶難。不知丘壑裏。還掩幾冰團。

陳女度尼

青春正及笄。削髮度爲尼。別母習粧粉。參師歇畫眉。
幻真臨鏡現。生滅帶花知。未必今來悟。前身受記誰。

金客

君是鄴兒非。黃須短褐衣。單身亡命去。虜首賣錢歸。
業曠家人棄。門寒結客稀。自知終有用。窮巷且藏機。

贈相士

節鉞下明州。東隨一劔留。帷中占勝色。市上立清秋。
碧眼胡僧避。青囊道侶求。相逢多幕客。曾見李藩不。

分賦得吳山送俞君還贛

吳山碧石頭。雄抱浙江流。大可興雲雨。微還適覽遊。
常登應結戀。乍別不能留。明朝翠色遠。知爾在行舟。

芸閣校書篇

薄霧靄香筒。青緗走蠹蟲。一梯陟劉向。萬帙映楊雄。
鳥下窺書古。花飛綴字紅。他年在天祿。羞與俗人同。

飲雲居松下眺城南

夕照不曾殘。城頭月正團。霞光翻鳥墮。江色上松寒。
市客屠俱集。高空醉屢看。何妨高漸離。抱却筑來彈。
送內兄潘伯海謁選

之人千里行。言宴款郊城。牽爾衣裳處。紛予帷幙情。
見兄兼念妹。送舅祇携甥。明歲承恩日。龍池萬柳青。
聚法師將往天台止其徒玉公庵中余爲留信

宿 玉芝

欲向天台去。先爲剡水尋。秋行萬山出。夜宿一庵深。
燕語調花氣。猿歸帶講心。年年石梁興。送爾益沈吟。

省試周大夫贈篇罷歸賦此

贈篇有天池欲化龍句 每厓

十謁九不薦。那能長作儒。江光凌棄壁。關色黯歸繻。
薇蕨求新主。羹湯問小姑。風雷亦何限。終是惱凡魚。
豐吏部公邀泛西湖觀荷明日寄作令與嘉則

敘父追和

吏部元耽飲。良辰尊俎攜。分明在湖上。記得似耶溪。
別浦紅裙繫。垂楊白馬堤。茫茫荷葉路。共水入天西。

賦得戰袍紅

時少保公得瑣暗刺製袍命賦

海嵐染啼猩。征袍製始成。春籠香共疊。夜帳火俱明。

自與鷁旗映還宜。蟒繡紫戰歸。新月上脫向侍兒。

嚴先生祠

碧水映何深。高蹤那可尋。不知天子貴。自是故人心。
山靄銷春雪。江風灑暮林。如聞流水引。誰識伯牙琴。

白鷗

少保公所遺

片雪簇寒衣。玄絲繡一圍。都緣惜文采。長得侍光輝。
提賜朱籠窄。羈棲碧漢違。短簷側目處。天際看鴻飛。

初入京瞻宮闕

域中夷夏極天上。帝王家。西內宸居逼南都。鼎

地賒。烏啼御溝柳象散。閣門花。昨到貧方朔。封書載
幾車。

來青亭

畫棟將雲遠。修簷傍漢開。亭非邀翠入。山自送青來。
遠色虛難寫。遐觀縱未迴。共言春景麗。不見使人猜。

元旦與肖甫較射

各分五韻

煙光海日瞳。青帝早司東。候轉弓猶勁。標疏的略紅。
綢彎雙月吐。長臂一猿通。本是无爭者。心知此際雄。

季長沙公哀詞

彭山老師

槐樹老低迴，猶疑講席開。死因雙宿去，生爲六經來。
遠瑟飛春水，傳燈暗夜臺。三年更築室，未了獨居懷。

懷陳將軍同甫

時鎮滇漢鑿昆池於長安而將軍親見於滇成一笑矣

飛將遠提戎，翩翩氣自雄。椎牛千嶂外，騎象百蠻中。
銅柱華封盡，昆池漢鑿空。鴈飛真不到，何處寄秋風。

鈕大夫園林

按察公石溪

萬樹梅花國，垂簾試一凭。高樓煙欲暮，遠岫雪將晴。
帆舫時時渡，溪橋處處橫。若耶無限景，都有此中情。

送高叟入燕

橫山

少小幽燕客，重游白髮多。人欽舊然諾，客和古悲歌。
紅葉淮流舫，黃塵沛縣騾。向來沽酒處，留得幾嬌娥。

背樹

背樹零宵露，羈魂斷曉鋪。正當愁盡地，誰遣放啼鳥。
拭淚身仍繫，酬恩計轉迂。應勞垂老鬼，結草向冥途。

賦得看劍引杯長

高會莫匆匆，魚腸把似公。睥睨寸心在，慷慨百壺空。
客散平原夜，波寒易水風。秦讐不能報，淚落酒杯紅。

賦得暗塵隨馬去

詞氣風流

春夕麗春燈芳塵似有情難隨羅襪緩却逐馬蹄輕
高縷迷鞍淺低光影澄平酒家莫留繫一夜遍都城

賦得芹芽 似杜

青春曲水涓芹吐小芽滋在野未堪摘君知幾時
暖風來燕子寒食伴棠梨一夜休教老留尖煮鱸絲

鎮江 大是風人

落日挂城角孤迷憩水窻草長交浦斷潮大入河降
筓蕪辭鄉飯櫻桃過鎮江吳船夫婦唱十曲九成雙

王山人丹房 漁鼓或作愚鼓

山房在何所宛在水中央丹竈泥初濕紅顏藥正黃
菱花歸舫亂荷葉過人長一自彈漁鼓陶陶醉幾場

仲春李子遂季子牙史叔考坐雨禹跡寺景賢

祠中醉餘賦詩並用街字子遂來自建陽一

別數載 娟淨有情

病久不到此荒祠草上踏陰晴連日異閩越幾年懷
夜梵潮三丈春酥雨一街梨花無月處有客醉金釵

法相寺看活石

蓮花不在水分葉簇青山徑折雖能入峰迷不可尋

取蒲量石長問竹到溪灣莫恠淹斜日明朝恐未閒
侶琴篇爲趙子賦

豈無蘭蕙好獨結嶧陽桐養鶴多因爾遊魚亦爲僊
風雷縣一壁山水伴千重一作梅花弄都令雪滿空

寶刀詩 清壯

雙鈕黑銀鏤來從大土酋絛絨結蠻女鐵色照并州
不惜金千鎰能縣水一溝牀頭好珍重兼許茂先收

答謝上谷諸公

一客宣城鎮真多地主良停車松樹下投轄井中央

紅燭籌枚滿蒼毛塵話長別來知幾日柳色滿紅墻

書筵贈顧鴻臚

廿載神交後尺書長跪辰涸魚幸不死閨月亦徒春
碧柳深高館紅雲近侍臣相過不能數叔夜懶方真

王口北見遺紹州囚往

制伯紹冠而玳蟬

一圍消雪遠兩翅辟塵除朔北凍殺馬遼東買斷牙
錦筵津頰玉深戶擁腮花一罩山人幘徒遮鬢髮華

納妾詩 雖艷不浮

角枕覆衾長新香異舊香昔年曾射雉此日復求凰

杏曆開春鏡鴉雲換晚粧夫君莫早起初日未高梁

駿霞篇為天台黃子賦

燕市千金駿天台一片霞持將兩神物較許大名
家每過愁驢直言歸必日斜御河生隔斷楊柳暗官鴉

梨

潘家大谷梨見潘岳賦及柳千尋詩近河間以黑究賦其音入京梨有一種名鴈過消紅而聲班班似耳下味俱幽澆大雅與杜並傳物十七首俱用正韻

潘家大谷梨今遍九河堤接樹冰千鞠單顆水一提
馬馱香黑甕馬過脆紅岸木怕相如湯玉孫儘翠眉

杏

蜜甘人享蜂徒自苦杏甘則蠶杏徒自苦不若苦李之自全也

杏有海東紅珍高百品中色來先壓市子大欲沈籠
釀苦蜂何為人甘蠶亦同道旁繁李樹好去問王戎

李

閩有八人李落下有嘉慶縣李道佳

閩種夫人異燕枝嘉慶同蹊堪為李廣核可付王戎
碎玉當唇綠飛錫遶臂紅歸來憶滋味能得幾時釀

頻婆

名平波

石密偷將結他雞伏不成千林黃鵠卵一市楚江萍
旨奪秋廚腊鮮專夏益冰上元燈火節一顆百錢青

胡桃

燕近出雞頭子頗佳而價亦踊

羌果薦冰旣芳鮮。占客樓。自應懷綠袖。何必定青州。
嫩玉寧非乳。新苞一不油。秋風乾落近。騰貴在雞頭。

白櫻桃

櫻桃琥珀珠。一樹忽礮礪。入袖迷吳苧。如珩信楚書。
朱唇嘗處訝翠葉。凍邊舒。欲問丹陽鳥。曾銜此類無。

土豆

絕似吳中落花生及香芋亦似芋而此差甚汁

榛實軟不及。菰根旨定雌。吳沙花落子。蜀國葉蹲鴟。
配茗人猶未。隨羞筋似知。嬌顰非不賞。憔悴浣紗時。

薯蕷

卽山藥

扶中識舊方。爽吻得新嘗。臙廩衰年壞。山薯此地良。
芋魁徒軟美。松粉藉餽餽。楚些那遺此。清酥點蔗霜。

鐵腳

吳下縣披細燕中。鐵跣纖俄爲群。少炙祇用一竿黏。
暗雪辭饑啄。紅椒餽醉髯。窺螳黃雀事。公子慎金丸。

黃鼠

音厚而
楚微

幸不爲殘嚙。何由冒劣名。庖廚窮口腹。天地窘生成。
淺草遮人拙。深膏傍燭明。斷螿吾自分。食肉任干城。

半癡

小鳥形半于雉而脆美上谷人與黃鼠共稱然癡而易襲遂以名

厄與癡相半。禽將鼠共縣。味雖供客好。名却使人憐。
所下惟雙筋。何妨少一拳。如聞三嗅叟。笑殺雉羹筵。

酒三品

日桑落襄陵羊羔價並不遠每甕可卜小盞須銀二錢有奇

小甕五雙。盞千蚨。五瓮香無錢。長買醉有客。偶攜將
醞藉宜高價。淋漓滴想故鄉狹。斜墟不少今夜是誰當。

荔支

出新會者名進奉絕佳有以小瓮載販陽江者到即說報其土產精勞或邀食多以

蔗隨放猿取荔蘇公事也

帆檣報荔支。猶憶海南時。一邑明勾漏。千罌枕蜜脾。
消中隨蔗往。高樹放猿之。近日肝腸別。依稀餓采薇。

又

當醉更須醉。當飧便買飧。幾年千里外。一顆百金難。
飛騎休輕刺。垂猩且奪看。老甜今已矣。世味飽醎酸。

熊

此李勣射獵而托饋大兒故三四用蜀陳家
二系熊也七八句茂先事意
謂憺恣日腹何所不至耶

李廣射熊歸。生肩付大兒。都無一寸白。儻有幾條青。
腊掌吾曾飲。鮮蹠勝略差。窮饜亦何劇。急鮓白魚遲。

黃羊

味絕勝善走俺答偶馳饋宜鎮故五六云
然三四晏子語言也七八戲言耳雖貴

亦未聞
食駝者

紫塞黃羊美超騰不易供蹄雖千里外命寄一廚中
誰致西河俎言穿老上弓賓筵三動指早晚到駝峰

河豚

白下酒家釐河豚荻笋尖寒江晴後雪爛柳窠中結
萬事隨許品諸鱗屬并祇惟應西子乳臣妾百無鹽

送薛鴻臚左官袁州

佐郡袁州去江行萬里西典牽春水鴈心斷早朝雞
蠻境風煙近巫鄉日俗迷正須煩料理滕閣未遑躋

雨

一雨連秋夏無朝不冥迷曉添四壁篆夜助百蟲悽
蒙羃遮城漏蒸潮汗礎泥直愁衡岱頂亦障海鳥飛

夕霞

第三首魚勞則尾赤詩云魴魚頰尾

一篇麗色相映

明霞剪脚齊茜水入霄泥鴈鴛千行外巖巒一角西
石家錦步帳海國紫坡黎安取揮戈術相留莫遣飛

又

明霞爛且都雨歇霽霄鋪萬國樓臺莫孤村煙火曠
波鱗銷琥珀海色上珊瑚一抹須彌翠胭脂月鏡

又

元氣渺太素丹鉛何所粧白魚勞尾變紅石補天長
剩付煙嵐彩全併沆瀣光俄飛一片紫騎鳳是蕭娘

送某子北上

送子有所思秋風來何翩翩翁挂貂處談我篝燈前
棗紅芻馬店霜白聽雞天隊長鞭裏輕寒早着懸

某君中貢選送之

物有幽奇者飛騰各擅方巨魚須北化細芷不南香
在獄持何贈穿泥以劍將回思成一笑君自有魚腸

人言鳳尾蕉花於某縣庭命作

鳳尾本蕉材紅花綠葉慙縣庭今一見蠻地不曾開
孔雀羞金翠蕭娘坐粉腮頰川黃霸在辛苦送祥來

壽葛貞母

亦諱亦趣

終歲不成粧釵寒古鳳凰詩琪將柏賦年亦與松長
列女誰同傳稱人果未亡當筵思舉案誤遞百年觴

乙亥元日雪酌梅花館

有補二日柿葉
堂曰葡萄深處

秋葉已凋疎春林積雪初溪藤不復買裙練免偷
挂碧來鳴鳥堆紅補破廬待予新買屋自種兩三株

又

花葉看雖少。藤稍遠更賒。蒼須搖水雪。白玉碾龍蛇。
碧氣將檐薄。濃陰奪竹斜。去年深夏熱。特地爲予寒。

初夏送某客入廣

廣中賈客寓所隔岸則倡居也幸以一錢擲艇子輒渡

海南多寶地。客也傍春行。涉嶺梅丸綻。當塵荔子明。

百香番賈舶。雙翠美人纓。會向青樓去。時呼艇子乘。

賦得風入四蹄輕

雷總戎嘗騎千里馬風掣其衣傳存襟背又云趙總戎亦

然故三

章云

駿馬四蹄風。形容有杜公。一塵不動外。千里颯然中。
白草連天靡。蒼鷹踢翅從。檀溪不須躍。隨意過從容。

又

愛妾換初調。將軍驀紫騮。颼颼只聞響。陣陣不禁秋。
練影難長曳。房星易一流。路旁看不細。多是失回頭。

又

借將從虎物。并去異龍腓。戍削纔辭檻。崩轟已破圍。
寒呼隨腕起。黑旋裹鞍飛。曾聽將軍說。雙雙碎鐵衣。

又

赤驥本龍精。行時不是行。看遲八尺影。過急一圍聲。
帶烙成駢死。嘶鹽了此生。孫陽何處是。淚盡太行程。

雨舟載鶴詩

淒踈有遠韻

買鶴載歸去。况逢風雨天。客裝兼有此。江影兩瀟然。
濕重思孤雪。波長立暮煙。園池寧有此。漠漠迥堪憐。
元夕之辰。偕友人集九甲之天。尾寒泉二庵各

賦并序

去郭九里曰九甲者。爐峰舒臂其西。高則亂石偃拔。駭獸穿林。下則迴泉紆縈。驚虺入草。兩精舍各據所勝。止息緇黃。因石以覆。則爲天尾。依流而茨。乃題寒泉。鸞鶴之所必棲。後

麋舍此莫集也。某君南來之暇。稍厭賓筵。及予元夕之候。載觴其中。上下高流。狎弄魚鳥。落帆到舍。則月白燈紅矣。似別武陵。悔返城市。景遷情改。寧免生滅之緣。各有賦篇。令予作敘。

尋常難淡泊。况復值茲辰。山水留吾輩。燈花媚別人。
言歸城市去。似別武陵春。一路梅花水。今年弄月新。
擬壽長春祠何老 語爽而幽

雲母何姑粉。增城幾葉春。馮心行好事。作屋住仙人。

銀柳堆山，鏡眠松弄水。銀面上，桃花色，流年始。七旬

京中送友人南歸 浩然逸詩

不道歸真急，翻嫌握手遲。綠蠅秋漸少，黃鳥日相思。
以我尚未去，問君來幾時。答言春盡後，北鴈與同飛。

送蔡安父之黃州 梅天景色在日

安父黃州去，乃當中夏時。榴花作火豔，梅雨爛蠶絲。
研墨法，法燥窻書葉。葉吹今朝霽，如此別馬快風嘶。

與葛景文 疎澗出錢劉上

冬潦無人出，君胡爲來歟。山樓隔年病，江渡幾封書。

健後堪風雨，貧來無菜蔬。不能留一飯，歸去寺煙餘。

畫紅梅 前四句馬

卽使胭脂點，猶成冷淡枝。杏花無此幹，鐵樹少其姿。
挂壁紛紅雪，圍春在錦池。無由颯一的，嬌殺壽陽眉。

畫竹 句亦有煙色

萬物貴取影，寫竹更宜然。穠陰不通鳥，碧浪自翻天。
戛戛俱鳴石，迷迷別有煙。直須文與可，把筆取神傳。

筵中漫贈王良秀筆史 閉思

囊琴三尺餘，投我主人居。老叟能稱隱，諸郎總解書。

夜深時喚酒春盡共騎驢去到西湖上梅花帶雪舒

吳門逢孔將軍於塾

舊日堪為將今來復授經王人盛供帳醉尉止都亭
終歲只在野囚子一入城相悲十年事淚落酒杯平

書倪元鎮畫

神情淡遠

一幅淡煙光雲林筆有霜峰頭橫片石天際渺長蒼
雖履須金換如真勝壁藏偏舟歸去景入畫亦茫茫

無題

翁也專樞密儂今職贊襄西京留守重北帽侍中方

陵氣松鱗紫湖霜藕葉黃江南秋色好此去滿帆檣

賦得草窻篇為周循卿之號

周繪
草

草綠鳥喙啣窻窻十開百蟲堪上筆一片欲遮苔

莫影紗紋澱春芽老氏孩元公有知不一笑隴牛堆

食虎眼

世謂
之佳

虎眼白琉璃誰能隸虎皮小迷蜂粉結高液鳥群司
婦去茶如薺王歸膽亦怡山來甘苦柄舌觀豈能持

蟬

細而不織自堪叫絕

紅綠樛文窰葛橙檇末高雙螯交雪挺百品失風

餒喜朝爭穀。颺聞夜泣糟。大蘇無缺事。只恠佞江蘇。
蘇傳江瑤柱乃不傳蠲

又

水族良多美。惟儂美獨優。若教無此物。寧使有監州。
辟鬼秦關夜。輸魁海稻秋。河豚直一死。只好作蒼頭。

又

吳興饒吻守。越國朶頤人。風韻誰偏少。吹噓爾絕倫。
沅江九肋鱉。松泖四腮鱗。遍試張華醋。還誰五色文。

又

爾故飽菱芡。饑來竊稻梁。逃蕭孟嘗走。結草杜回亢。
蛻許山蟬嫩。腥憐海麝香。那能親箬笠。夜夜伴漁郎。

又

織篠挈千籃。枯篁養八蠶。縛嚴愁廣武。霧重死淮南。
金紫膏相蝕。尖團酒各酣。秦人不曾識。付與兩齊參。

蠶篁見釋名。蠶者南粵種也。

胡市歸

胡館不一刻。胡禍數日。

胡養復胡王。無鷹不飽颺。滿城屠菜馬。是鼻掩綿羊。
卽苦新輪輦。猶勝舊殺傷。從來無上策。莫笑嫁王嫱。

客餉我筍脯一小筐穉而甘澹擬謝

晨觴急下斟筍脯美遼參玉版禪師韻黃冠道士簪
山存仍受虎春代并更禽擇時夫將婦隨農插綠針

聞人賞給事園白牡丹

白牡丹殊雅曾於舊譜聞掃眉嬌號國新寡縞文君
黑牯眠雲飽黃蜂奪雪芬愛憎誰與定賒酒借花醺

又

梁園月下白青瑣第中逢定是千金買來陪一捻紅
珍奴學龜息越女鬪猿公作意驅脂粉天然輸與儂

又

休量姑射子不語息夫人香暗聞龍腦須黃見蝶身
雪腮宜買笑霜鬢可饒嗔莫學盧郎婦題詩謔老人

化城寺

中道佳境

方引主人輅轉爲山寺嬉門深當水盡路曲入松移
破鐸播簷鶴寒萍救沼龜過溪無虎嘯枉送遠禪師

明日至古博嶺雨

無寸非濃霧寒空濕太勝泥深驢項沒雨近帽簷生
練泄未到眼客途先苦行真成許嚼橈敢與棗兒爭

京邸贈沈刑部

叔成自安鄉召入善畫梅在署竟日伸紙洞庭逼浸安鄉

人多驄馬客，若慳白雲司。棘署了公事，梅花作雪枝。帶寬知懶在，馬重覺塵隨。頗憶洞庭否，煙波十二時。

哀周鄭州沛

莫以拘孿輩，交攻放達偏。窮如知老後，樂似欠年前。匪藻鮫俱泣，園花石共遷。傷心能幾輩，可感教我不潸然。

又

雪涕尋前誼，敲門憶昨晨。梟盧呼未歇，蝦蟇醉仍頻。日者過荒館，霜顛破角巾。飄零如此，昨日故將軍。

曉發句容

宵來醉眠處，忽為遠林遮。三尺短緹爛，一程長耳賒。村村落斜月，樹樹抹輕霞。只尺丹陽近，江魚入饌嘉。

送沈叔子南都迎母

馬上定，苦渴幾迴停。轡別兄當北，邸接母到南。都桃葉橫前渡，荷花滿後湖。此行大家逐，誰敢問當墟。

送馮叔系之南都訪舊

江國柳雖盡，將及梅花新。路遠即逢雪，天寒別有春。高牙紛海幕，長劔著孤身。乞取封書去，難辭舊主人。

景文至其舅劉所過園中

兩索行廚過清醪溢瓦盆一行澆鬱思百覆失頰寬
筭候人家飯驚天桃杏村無由共錫舅鎮日數園門

送俞生之入楚

顧善繪事

作客向襄陽。鮪頭大舸裝。江行多雪候。旅宿盡漁鄉。
此景俱堪抹。行囊好爲藏。歸來逢鑿賞。幾度挂山窓。

張子錫往訪其弟長治

伯兄官署去。囚寄仲君書。問政應如水。添廚稍出魚。
越人多好着。潞錦小花裾。看取寄歸匣。都無一尺餘。

與任生話舊

麻衣颯雪處。益動而翁思。近日君家事。子僕那得知。
筭天應薦慕。柏涕可枯枝。莫作徒悲切。遺書退學詩。

送張君會試

明年此時節。意氣何揚揚。但遣馬蹄疾。莫愁花路長。
幾多青樓婦。認取舊檀郎。何處最笑指。當壚壓酒娘。

挽上虞葛翁

聞道自髫年。傳經徹舊編。裹糧百里外。卒業一燈前。
閱傳知高士。遺孤是大賢。斯人真不死。可以慰黃泉。

授經館中懷江東諸同志 時復病

能得幾回春，匆匆滯此身。一江書易寄，連月性難馴。
買藥獨行市，敲門暫訪人。幾時束書卷，來伴釣魚綸。

蠟屐

一生幾兩屐，此語爾非迷。何事淪程趣，終年弄馬蹄。
萬錢收錦屨，五岳遍丹梯。齒畔如瀨損，厓蜂借一脾。

題雪景畫

清江陳仲子

幽人凭水檻，釣者挈魚投。况對千山雪，而無一客留。
臘酒此時熟，老夫終歲憂。壺公能醉我，跳入畫中休。

爲陶工部贈道者

終是千年鶴，今先返舊城。到家人尚在，入洞雲來迎。
紫氣莫西渡，青山留震盟。野夫慙尹喜，却辦候關情。
將遊五泄宿吳系，山庄遇陳老迎。餉邀余輩先。

登峨眉不果

遊轡維林竹，山窓來獵燈。青蘇炊白稻，碧笋束紅藤。
坐落半宵月，流分曲水亭。忽逢山下老，邀上峨眉層。

徐文長文集卷之六

徐文長文集卷之七

公安袁宏道中郎評點

門人郝之璽公琰校訂

七言律詩

君從

君從閩海下南昌，正值中官降玉皇。
龍號真人親拜斗，繡衣使者自焚香。
壘中祝壽千官滿，官裏傳旂兩道長。
不是薄游江海客，何由得覩此輝光。

九重 端麗

九重憂隱德如湯禱祀壇傍夜有光早魃正逢周甲
子神君俱集漢明堂繡成旛蓋虹雙引挂定琉璃水
一。行聞說詞臣咸萃止抽毫拂素侍 君王。

白燕

閒庭盡日見還稀院院梨開去漸微別殿幾年埋玉
匣舊人何處認烏衣春風水面徒聞語夜月梁間好
弄輝安得姚家紅線縷却看片雪帶花飛

又

西飛歲歲候青陽花發名園何處藏天子郊禱呈瑞

色玉人臺榭有輝光輕翰掠雨綃初剪小尾流風練
愈長萬里東歸容易沒海天元是白雲鄉

續白燕

一時伴侶自應非海路空長過亦稀漢將玉門投老
入趙妃雪夜待人歸孤迥夏日播寒色漸下秋空見
羽衣已識朱門無可托玉樓天上任高飛

又

畫壁紅窓映苑牆衝花泛羽啜群芳霜迷萬瓦單栖
渺草綠干堤片影涼雲母屏深低縞袖水晶簾動拂

流黃西園蝴蝶渾無賴暗粉飄塵上海棠

寄成女彝守備登州

女彝時寄蓬萊集
載登州海中風景

牙。遙映列僊臺。總帥偏宜上將才。出海戈矛俱借
水。空矢石併成雷。天邊送鴈將心往。馬上題詩帶
景來。解道觀游憐獨賞。那能分向小蓬萊。

送方阜民公子還欽

阜民尊公知山陰渭
籍諸生提調師也

江關楊柳片新晴。游子思家數去程。客裏經春花作
伴。酒中連日雨留行。輕裝未結離歌發。大道臨岐感
慨生。欲把今朝製別淚。寄彈一滴使君靈。

送通政胡君入閩

胡君自同年
初進士入閩

訪舊暫為閩海客。歸傘兼得武夷游。不堪暮雨張筵
別。况值春花帶葉抽。山障入雲迷去騎。溪濤作雪瀉
行舟。幕中無事同君飲。好向尊前借筇筵。

言遊武夷道中撫景因憶往年尚賓呂君天台

之約

言必脫。臨寧失淺弱

巖。下重路轉偏春陰。漠漠帶炊煙。困投野店聊
笑問。名山數舉鞭。籠鳥對人喧。曙色桃花臨水弄
新年多情忽憶天台約。歸去應尋剡曲船。

落花 風流爾雅

落條空芳樹，稀秦玉宮裏。卷羅衣，經過楚巷兼人。
展入梁園，雜雪飛送雨，迎風俱是別。沾泥帶水，不
能。明年知向何枝發，願傍青陽近日暉。

泊開門值閏月中秋 海鏡句本不韻全誦之

忽忽捨神

中秋只尺已蹉跎，更值中秋此地過。天上桂輪長苦
滿，人間酒盞莫嫌多。虹橋一散能追不，海鏡孤飛奈
墮何。最是虎丘此時節，清歌不住水微波。

送葛緝仲 時于

杏花楊柳夾扶疎，送客澄江煮白魚。紫艷葡萄千日
酒，白藤花匝萬言書。豐城劍出應雙躍，甞觀綠多且
獨居。待爾他年拂衣日，看予渡海跨青驢。

飲枇杷園贈某君東道 某君東道名某字某

紅紫占盤碧蛆沈，南市青帘買却掛布衣。真可十日

飲，錢索得隔年金。游魚觸沼聽歌淺，獨鶴穿花出

深。給舍酒厨東壁是，縛拊甲卓可能禁。

奉送同府潘公墓兵廣東 末數句劣

使君佐郡儼行春，開府知名下令新。
手挈萬金收死士，身藏半綬見鄉人。
部分卷甲趨春雨，弩矢成行夾
書。引向轅門投謁罷，試看王客集魚鱗。

十四夜

風韻冷然使人味之無盡

野外虛堂夜不扃，遙遙秋漢數峰青。
舊栽菱葉侵河路，新折蓮房插膽瓶。
涼氣欲來先到水，月光纔上只移櫺。
請看明夕三更漏，相對何人坐紙屏。

月下梨花

芳媚可地

今宵風物異尋常，月底梨開萬朶光。
閃雪搖冰偏倍

書迷枝浸葉，總空涼痕嬌。舊積啼春雨，鏡色新圓。選
夜粧，莫遣風吹迴作態，素娥應妬舞霓裳。

又

細葉繁花帶月芳，新粧搖蕩宋家牆。
銀叢泛影通河，切酥的飄輝。接夢長，夕鳥幾條，
再滴滴春空。一片綴蒼蒼。却嫌曙色催將曉，冷暈微收，益渺茫。

又

丹輪皓質兩微茫，桂粟梨雲鬪淺黃。
萬點綃痕春帶水，一庭雪影夜生香。
小星解照周余伴，不夜爭懸漢

帳倡誅道獨禁風露冷曾聽法曲立更長

又

璧月流空霽色揚梨英當夕弄青陽搖寒隔院非關
艷鬢斷長天別有芳粉歷團團新出洗窻錢一一暗
浮霜多情錯認梅花夜教進羅浮夢裏觴

新建伯遺像

方袍綦履步從容高纈籠巾半覆鍾千古真知聽話
虎百年遺像見猶龍夜來衣鉢今何在畫理須眉亦
似儂更道先生長不減那能食粟度春風

夜酌遲友人不至

方朔侏儒兩欲死智伯中行一足知醉裏放言何造
次醒中爲客太支離簷飛細雨除清暑燭笑麤花旋
紫芝坐待人來將說與夜深敲缺唾壺兒

贈府吳公詩

吳公自襄昔攘斥夷寇其在吾紹興若浙東
西松江諸道者人易聞且見故多美頌之詞
迨舟山之役越在海外其撫民搏寇之功最
多而且艱人掩之莫得而知也獨涓以書記

辱在督府隨衆人後雜談戎伍稍悉其事而
今年台溫之捷公之伐又最高公既讓美不
言而世之公道將遂因以漸沒乃用鳴之以
詩使公知知其事者尚有如渭者在而渭之
所處則固有難於知者也

幕中曾與衆人辟幕外閒聽說使君破劔壁間鳴怪
事孤城海上倚斜曛詠諧併謝長安米懶散猶供記
室文把筆欲投還自笑故山回首隔江雲

與客登招寶山觀海遂有擊楫岑港一窺賊壘

之典謹和開府胡公之韻奉呈

滄海遙連雉堞明登臨喜共幕賓清千山見日天猶
夜萬國浮空水自平不分番夷營別島願圖方略至
金城歸來正值傳飛捷露布催書倚馬纓

爲子微題鷓鴣圖

鷓鴣對啼
見本草

瘴雨蠻煙嶺樹蒼舊遊曾記泊桅檣對啼江岼霜初
歇獨聽扁舟草正芳旅景誰將上縑素羽衣今復覓
茅堂似嫌越鳥南枝慣擬欲乘風向北翔

兩宿齊雲下憇逆旅夜大雪因復登眺

夜投山店醉眠休，早起茫茫攬敝裘。更向松間尋舊侶，要於雪後倚高樓。幾重碧殿深相映，萬里瑤臺儼若遊。歸路欲迷何處覓，野梅花落遶溪流。

孫忠烈公挽章

行藩黃屋車何用，上壽瑤階酒未酣。豈有滿庭持漢節，終無箇上死淮南。百年正氣大爲永，一覺忠魂夢亦甘。詞客幽懷關世事，悲歌重扣劔之鐔。

下第回值九日登鳩上山訪北庵上人

歸家忽已逢重九，聊向高山試一登。舌在何爲更問婦，童除元不是求僧。秋雲隔水流數片，落葉依巖積幾層。話了出門月初上，呀蘆汀菊也相應。

訪玉芝師夜宿新庵同蕭女臣

參禪喜與梁下喬，合掌跏趺野竹叢。坐久空堂諸佛歇，夜深明月四山中。親陪客話拈珠串，獨卧行單坦片櫻。一宿相留渾苦事，無生自愧永嘉公。

往年觀伎走解意當是北產故綴四律首章用

北語今年復來知，是金陵上元人又携一少伎同坐鏝上分燈放體空中名曰童子拜觀。

音乃昔年所無者 新綺

人似明珠馬似盤超騰隱現不離鞍各彎銚底羅鞋
窄都在空中粧翠寒合掌幾回投地去同心雙蝶隔
花攢莫嫌歲歲頻來往家任金陵自不難

與王山人對語

仗劍渡江王猛身歸來又共坐青桐平原自有三千
客門下聊同十九人曾許鳳雛應不忝由來龍性本
難馴久知世事只如此且借清樽一洗塵

乙丑元日大雪自飲至醉遂呼王山人過尚志

家痛飲夜歸復浮白於園中

元日獨酌不成醜穿隣喚客雪中過三百六句又過
矣四十五春如老何憤快漸知簪髮少典豪那計酒
籌多小園風景偏宜雪綴柳粧梅有許窠

飲太白樓 馮中道論

城上高樓接大河城南池沼遶朱荷千年供奉飛杯
地一夜徐州上水歌露冷秋蛾爭彩燭川長風荻亂
金波客中行樂無過此前夕中秋何處過

楊道人訪我于繫索詩

道人半在城都行，今過稽山上禹陵。身載瞿塘雪後水，手拖筠醬國中藤。稍談鹿乘延甲品，欲拔雞羣亦上昇。近日稽康知不免，懶將消息問孫登。

新秋避暑豁然堂

起參蘇不賦結用杜轉佳

竹雨松濤響道房，瓜黃李碧酒筵香。人間何物熱不喘，此地蒼蠅凍欲僵。水飛光帶城郭千峰流，翠上衣裳窻前古木搖。枝入好，挂輕絺，細雪涼。

過陳守經器飯海棠樹下賦得夜雨剪春韭

春園莫雨細泱泱，韭葉當籬作意長。舊約隔年留話

久新蔬一束出泥香，梁塵已覺飛江燕。帽影時移亂海棠，醉後推敲應不免。只愁別駕憐郎當。

迎春值雪

雲黃尾日照千家，雪裏迎春倍物華。上女紅樓先捲幔，史人采杖忽生花。瑞多自古無連歲，路滑從東接郡衙。半是三農喜，水旱直隨牛尾不辭賒。

宮人入道

世昌宮

昭陽隊裏混鉛華，垂老參師日半斜。不向秋風怨團扇，却教明月進琵琶。朝看楚篔簹，身為雨夜繡茅君。綠

作霞見說。綏山閑姊妹，尚論恩寵舊誰家。

贈秦仲虛

冰玉山人本絕埃，西湖自築初陽臺。何年養鶴曾飛去，是水當門盡遠來。道上忽逢松樹下，漁舟放在藕花隈。知余欲與為隣舍，指點孤山一角梅。

宿長春祠夜半朱君扣榻呼起視月山缺處露

錢塘僅一勺而夜氣滄之 高爽

長春明月夜闌干，起視當眉尺五間。千里林光俱浸水，一杯江氣亦浮山。似聞隔浦吹長笛，欲喚真官語

大還忽憶廣寒清，冷甚有人孤佩響珊珊。

恭謁 孝陵正韻 漢高皇帝神 皇朝而以少文 終也 故 云 然 是 日 陵 監

二百年來一老生，白頭落兔削西京。疲驢狹路愁官

長破帽青衫拜 孝陵亭長一杯終馬上，橋山萬歲

始龍迎當時事業難，身遇馮仗中官說與聽。

答贈盛君時飲朝天宮道院 儼爾身游

長安道院一牽裳，司馬筵中再舉觴。柿葉學書才不

短，杏花插鬢意何長。藥沈綠醕家廚釀，霜折紅蕉道

觀房坐裏黃冠三兩輩。醉來相與說先皇。

中秋雨集金氏園亭次陳思立詩朋酒斯亭
朋雙尊也

中秋風雨劇凌馮。拂悶觥籌倒一卮。綠桂隔年疎彩
暈銀毬。終夜斷長繩。泥深水掌花邊鴨。帽落霜顛影
外僧醉後忽呼長劍看赤鱗。乘漲欲飛騰。

十六日霽與張長治伯仲集城隅次長治韻

飄仙飛楫戍營秋。坐裏閒聽說潞州。孤鏡滿城池水
洗明河。千尺傍人流。笑論昨夕能漂瓦。醉喚紅裙緩
下樓。自古陰晴誰料得。莫辭連夜典鸛裘。

邢憲死黃州

遠從黃浦白波邊。淚盡如魚黑索前。具許相逢還幾
度。詎知此別卽千年。白楊村下多風起。廣柳車中少
客眠。見說吳門塘上曲。纔歌高士卽潸然。

贈遼東李長君都司四可謂壯采

公子相過日正西。自言昨日破胡歸。寶刀雪暗桃花
血。鐵鏡風輕柳葉衣。白日近來餘幾箇。一家長自出
重圍。禪關夏色炎如此。聽罷悽霜雜霰飛。

許口北遺以綾帛綿三物題曰袍具作詩謝之

寓之西隣爲朝玄觀多棲
方上諸邊說用蔚州之炭

吳蠶已挂山人肘邊馬尤堪北寺臺其奈沙場惟解
雪那能花處一題梅昨明後府將軍獵今學西隣道
士雷疊取蒲團高一尺坐消一輛蔚州灰

小集滴水厓朝陽觀

取其快句

朝陽道觀一何縣滴水孤厓百丈邊餘氣出關雄大
漠長風吹壁立青天窻屏近在栖鷗處閣道都攔坐
客前不信夜來高頂塔定應笙鶴下飛仙

徐州

黃樓同
來下之婦

今歲青青隴麥稠去年河水過堤流無家不自波中
出有鼈都經樹杪遊棗葉雙屏詢翠袖柳根一面護
黃樓泗州潭底獼猴老不信今還鎖泗州

駕歸自閱群望下衢恭賦

桃李晴曛禁苑煙鑿輿新幸北郊旋團花韎韞蒐
春日細柳旌旗拊髀年一道甲光將雪借千群馬色
截雲鮮誰兼將帥爲天子共喜文皇九葉玄

張雲南遺馬金囊

時余尚羈而
張亦被議

百顆緘題秋暑清遙聞摘向最西營張騫本帶荷

入馬援難拋。惹行萬里錦苞。醉曉露一泓寒香。春
春。錫年來不爲臨邛。病無奈羈愁渴易生。

壽吳宣府

近來宣府息烽埃。台吉求生款鎮臺。笑引雙椎胡女
拜。傳呼萬帳令公來。艾年佩鶻寧非早。薇省垂魚不
待推。報與江南春信道。題詩寄處隴梅開。

美人紅甲

尚未雅

近日新粧處處施。玉纖染草學胭脂。并將櫻顆銷筠
管。忽散桃花上柳眉。春色每從梢畔露。麗情半出袖

邊知塞風昨夜吹。膠折抱得琵琶下手遲。

禹陵

杜碑空石也。魚盡地。禹陵樹下。予
疑禹穴在此。五字謂金鶴。五書也。

年來只讀景純書。此日登臨似啓予。墓罷桓碑猶豎
卯。封完玉字不通魚。楊梅樹下人誰解。菡萏鬚中氣
所居。卽遣子長重到此。不過揮勝立須臾。

曹娥祠

曹娥十四死長江。江水連潮萬里長。精衛定應仇渤
澥。子胥豈只怒錢塘。一江魚鼈浮尸出。八尺龜螭卧
絹黃。總爲金釵收正氣。可憐梟獍遶爺娘。

露筋祠

鳥鳥既能傷義士，蚊虻何苦碎貞肌。由來天道本無定，誰使昆蟲必有知。轟壁幾殘春社雨，靈風時滿夜歸旗。煙波一望三千里，長在湘江洛水湄。

馮川部索書冊

成貞堂

躬耕既喜陪，明主列宴兼榮享。大庖蒼帝青陽臨，左个朱犁黃犢引南郊。筵前甕盎歸餘瀝，馬後蹄肩帶割肴。笑語細君將母好，不勞諧謔白爲嘲。

送嘯上人之五臺

長嘯上人者，來自長干。楚謝雞鳴之妙景，輒馮短錫却棲鳳禁之西禪。候三月以飛花指五臺，而趺草佛燈萬點天放琉璃山翠千重。神移鷲鳥與文殊之親覩，別社友以長征四韻送之。數言以引。

白下珠林最有名，忽來燕趙作遊僧。春風大衆迷花雨，夜壑孤藤看佛燈。已辦一瓢相伴去，其如多病不能興。歸來只洗雙荷葉，聽學文殊演上乘。

佛家以耳爲荷葉

集李侯宅得鍾字

時內賜鮮楊梅，故用李令問鶩事。卽杜詩李少監也。李侯

高廟甥家有所賜手書又有
真貝多葉經千番字如屯蜂

侯家簾幕夜重重。醉客觴繁斷禁鍾。賜果自鮮冰後
色。罌鷄直賤丈前醲。月斜苑樹寒孤鵲。字暗番經集
萬蜂尚有。御緘看未得。何時重許拆雙龍。

燕子樓

壯月春後惟枝在。燕子樓空苦恨生。昨淚幾行因擁
髻。當年一顧木傾城。分爲翡翠籠俱老。訝道泉臺伴
不成。猶勝分香臺上妾。更無一箇哭西陵。

送余興國

隣家兄弟過炊煙。不見于今四十餘。頗有長顏堪佐
幕。頭多短髮尚留燕。深秋一路逢紅葉。明月雙帆挂
大川。黃鶴樓中可相引。石欄皮畔覓神僊。

駕幸月壇群望西街

玉露清秋湛碧空。金輿夕月引群工。紅雲自結龍文
上。彩仗如移桂影中。壁畔常儀端捧鬯。郊西新鬼正
垂弓。布衣久分華山侶。笑向歸驢墮晚風。

九月十六日遊南內值大風雨歸而雪滿西

矣

石橋魚龍百族巧甚云是西
洋物乃三寶太監取歸者

寶樹瓊臺夾梵輪，星壇月宇詎非神。從來天上游，俱
夢說向人間。恐未真風雨，故梢銅網翼。魚龍欲活石
橋鱗，尋詩正是迴驢處。忽面西山雪，照人。

送新昌潘公

北斗聲名重二京，東朝保傅謝初榮。百年華髮晞三
握，一日朱輪送滿城。漸喜河冰仍綠水，稍聞鄉雪盛
黃精。快帆定落歸心後，客夢幾番天姥青。

將別復借遊碧雲流觴枯柳之下

征輿解道明朝發，別酒遙從此地酣。盡日迴腸依曲
水，昔年種柳似江潭。霜高睡短雞偏促，雪滑泥長馬
不堪。差有梅花知客意，一程開遍一程南。

送朱使君太僕

長安明月金叵羅，幾度從君醉踏歌。北寺雲屯朝烙
馬，西清風起夜聞荷。大臣自引行當召，醉尉逢人且
莫呵。一葉米家書畫舫，白虹終夕遠滄波。

李子遂死予設位哭之遂擊木而歌此

淚盡南天哭不回，李生真是可憐才。生芻解識徐家
物，死夢應尋范氏來。紫氣鑊干埋不得，青楓刺繡任

成灰知君去證金環果戲取楊花李上開

讀問棘堂集擬寄湯君

蘭若翡翠逐時鳴誰解釣天響洞庭鼓瑟定應遭客
罵執鞭今始慰生平卽收呂覽千金市直換咸陽許
座城無限龍門蠶室淚難借書札報任卿

金剛子珠串

典範中風趣自足

不共番經出寶函定從胡腕摘偏衫核堆繡字螿螿
爛果聚香林孔雀銜不斷百思惟嶺獮手提一串縛
狂慘饑來喚米無人識送與游僧上海帆

聞都督再遷山西武寧

胡牀雪夜斗牛裘親待回探夜不收薊北咽喉此爲
最山西將帥爾稱優千金粉面捐斷養百鞘朱提買
絡頭倒死瀟欄姑諾諾大宛終敗匿驂騑

自全道走居庸雪連峰百仞橫障百折銀色異

是故來撲人中一道亦銀鋪也坐小兜冒以

紅氊疲羸數頭匣劔笈書相後先冰氣栗冽

肌粟蟲蟲如南夏痲瘥苦吟凍肩倍聳憊甚

矣却贏得在荆關圖畫中浮生半日

昨夜飛花苦不多，朝來起視白峩峩。一行裘帽風中去，半日關山雪裏過。銀鬃大高入漢玉屏，隨客折成河中間。道明如線四角紅，匱擁數騾。

送丁叔子北上慰乃兄

令威三世通家好，廿載遷居會面吟。醉我龍鐘纜地，
主憐君馬首。又天江春燈雨，雪瀟瀟夜野店茶湯處。
處家想見，皇都堤草綠，春鴿細語，遠梨花。

代壽黔公

蒼雅爲柱剛

有道明王守四夷，公家鎖鑰在雕題。一天樞紐群星

北萬里金湯半壁西，茅氏騎龍艱切火王喬奉藥儻。
丸泥何如翊戴勳，臣府承鑄金書鐵馬蹏。

又

異姓王功階特進，大將軍客揖須長太平象馬舞何。
事勝會是驚醉不妨錦席珠璣群彥舌，金爐煙霧百。
蠻香殷勤刺有華封祝，先遣山呼到帝鄉。

又

千花百果候青陽，二月爛斑匝點蒼。樣簇濃枝靈鷲，
錦光添繡祿石麟。牀干戈後取儀雙髻弧矢先懸志。

四方我國同休恩不淺年年此日憶高皇

亞夫墓 墓在巢縣此亦虎傳也

王者從來云不死共疑隆準及重瞳已占龍氣成天子却幸鴻門敗乃公一牧乳羊遮墓白幾株寒棗覆碑紅憐儂疽發不欲活豈為人間少鄧通

白牝蛟

招寶山東行若千里洋也白牝蛟宮之相傳是千年物遂名其所蛟門而向所詒海齒王直之倭商任岑港者自春抵夏屢進剿屢阻

於雨人言蛟之祟也幕中隗罵蛟俄而雨如注

寶山門外白蛟宮獨處千年不嫁雄頓頓渦涎垂燕子殷殷霹靂懶蜈蚣風權近屬誰家掌日本頻由爾路通一語稍噴酬惡雨量無周處在軍中

又

儂應坐視稿三農不爾祠何吝一叢早使嫁夫封石氏肯教將尾示劉翁寸鱗縮虱腥逃井蛻骨專車雲硬風莫倚秦龍終秦爾史臣親記醢雌龍

讀文信公仙巖祠集焚弔

每疑天意不分明，枉殺呼天問屈平。諸葛既難扶後主，盧陵何用產先生。停舟此夜艱危地，出戶當年歎息聲。腦子不靈尤恠事，竟將腔血灑燕京。

又

山翁伏臘競雞豚，海舶針羅失曉昏。六尺托孤俱趙氏，一宵投主得公孫。波濤解逐旌旗走，巖洞寧無氣鬼存。安得扶卑親一拜，百花如錦醉山門。

夜坐有感轉憶往事

不移不校之態

朝來乾鵲聒簷牙，入夜孤燈也弄花。兒女一生夢養虎，行藏四足畫添蛇。因嗟竹箭歌如管，時泛荷花到若邪。記得萬峰高頂鹿，竟聽黃犬獵人家。

香煙

魚池平竹上東

誰將金鴨銜儂息，我只磁甌待爾灰。軟度低窓領風影，濃梳高髻縮雲堆。絲游不解黏花落，縷嗅如能惹蝶來。京賈漸疎包亦盡，空餘紅印一梢梅。

又

半坐焚香枉連歲，香煙妙賞始今朝。龍拿雲霧

猛。蜃。起。樓。臺。不。暇。飄。直。上。亭。亭。纔。佇。立。斜。飛。冉冉。忽。
道。遙。細。思。絕。景。雙。難。比。除。是。錢。塘。八。月。潮。

又

霜。沈。欄。竹。更。無。他。底。事。遊。魂。演。百。魔。函。谷。迎。關。僂。紫。
氣。雪。山。灌。頂。散。青。螺。孤。螢。一。點。停。灰。冷。古。樹。千。藤。寫。
影。拖。春。夢。婆。今。何。處。去。馮。誰。舉。此。似。東。坡。

又

薝。蔔。花。香。形。不。似。菖。蒲。花。似。不。如。香。搯。摩。范。擘。鼻。何。
暇。應。接。王。郎。眼。倍。忙。滄。海。霧。蒸。神。仗。煖。蛾。眉。雪。挂。佛。

燈。涼。併。儂。二。物。如。堪。捉。捉。付。孫。娘。刺。繡。牀。

又

說。與。焚。香。知。不。知。故。堪。描。畫。是。煙。時。陽。成。鐘。口。飛。逃。
汞。太。古。坑。中。刷。裊。絲。想。見。當。初。勞。造。化。亦。如。此。物。辦。
恢。奇。道。人。不。解。供。呼。吸。閒。看。須。臾。變。換。嬉。

又

西。窓。影。歇。觀。雖。寂。左。柳。籠。穿。息。不。遮。懶。學。吳。兒。燉。銀。
杏。且。隨。道。士。袖。青。蛇。掃。空。煙。火。香。巖。鼻。琢。盡。玲。瓏。漆。
象。牙。莫。訝。因。風。忽。濃。淡。高。空。刻。刻。改。雲。霞。
右香筒

又

香毬不減橘團圓。橘氣毬香總可憐。蟻虱窠窠逃熱瘴，煙雲夜夜輓寒氈。蘭消蕙歇東方白，炷插針牢北斗旋。一粒馬牙聊我輩，萬金龍腦付嬋娟。

右香毬

春興

率直流快得杜之微

好景蹉跎知幾迴，今春商略紫洪隈。固應帶插桃深筴，兼好提尊餞落梅。雙塞百錢苦難辦，片槩孤舟盪莫催。見說山家堯子軟，借穿峰頂晚霞堆。

紫洪筴絕佳

又

乾坤瞬息雪邊風，萬事陰晴雨後虹。已分屠門齋後斷，只難酒盞座前空。半緝榆莢求書客，數點梅花換米翁。小飲墻西隣竹暗，綿蠻對對語春叢。

又

二月四日吾已降，攝提尚復指蒼龍。當時小祿慈闈繡，連歲寒衣隣母縫。一股蟲尸忙萬蟻，百鬚花粉亂千蜂。自憐伯玉知非晚，除却樽罍事事慵。

又

李白桃紅照眼明，蘭風梨雪逼人清。一枝帶葉梅香

拚雙蝶隨風各自爭，粉翅撲衣猶可耐。墨針穿帽此何黥，因思花草猶難掇。却悔從前受一經。

又

七旬過二是今年，垂老無孫守墓田。半畝稻秧空餓鹿，兩株松樹罷啼鴉。悲來辛巳初生日，哭向清明細雨天。忽撚柳枝翻一笑，笑儂元是老婆禪。松為盜砍

又

昨冬不寐苦夜永，此月新弦喜晝長。柳色未黃寒食過，槐芽初綠冷淘香。西池蝌蚪愁將動，北地鞦韆影

不忘描寫姬姜三百句，白魚儘飽小巾箱。

舊聞 蘇軾 濟賦

詩數十首 幾三百句

又

胡烽信報收秦塞，夷警妖傳自贛州。十萬樓船指旆越，結交鄰國且琉球。不臣趙尉終辭帝，自王田橫伯拜侯。幾島彈丸髡頂物，敢驚沙上一浮鷗。

又

孟光久矣掩泉臺，海口新阡此再開。煖色一天霞影入，寒潮萬里雪山來。迢迢支隴何方發，箇箇曾楊着

處猶急買松秧三百本，高陰元仗拂雲材。

送季子微赴李寧武總兵之約

黑貂裘襖盡長安，此去關山雪未殘。
挂印曾蒙公子約，解袍應念故人寒。
大豪馬邑墳堪弔，天險羊腸路復難。
到後莫須先一拜，未妨長鋏向人彈。

南鎮之南原桃樹數百，花時余數遊賞。當武陵

也，道士苦打攪盡伐之，憶以詩

鎮南亦自有桃源，載酒來尋不計年。
祇爲燒茶煩道士，故令閉洞返漁船。
一從春雨花開後，是處朝霞色

可憐笑我老來無脚力，欲呼船子少船錢。

二月望後連日夜風甚不減前年，而是日二兒

書至，諧語不失趣韻。

天寒地凍正霜宵，被冷風號入帳驕。
貫屋再經飄瓦盡，破爐重補買薪燒。
老牛春壞堪馱鳥，小犢書來尚滯遼。
好買柴團葭一搭，急鞭歸馬補虛勞。

醉後跌損脅脊爛而

瘡少陵病馬詩曰暮不收鳥啄瘡

唐伯虎畫崔氏且題次其韻

彷彿相逢待月身，不知今夕是何辰。
行雲總作當年

散胡粉空傳半面春。嫁後形容難不老。畫中臨榻也。
應陳虎頭亦是登徒子。特取妖嬌動世人。

吳宣府新膺總督

邸報初翻數葉藤。棟梁今喜棟栳勝。市場春後皆青。
草司馬秋來在白。登天下安危真足仗。眼前修短却。
難憑最憐投轄相知客。不得隨車負此情。

子肅再赴戚總戎所未至死於都下

止韻

幕中賓客盛文詞。幕府黃金客再持。共擬歸來作生。
計不堪老去哭相知。一春綠草飛蝴蝶。千里黃沙暗。
鼓鞞兩地分明誰苦樂。遊魂莫遣到家遲。

紅葉

纔見芳華照眼新。又看紅葉點衣頻。只言春色能嬌。
物不道秋霜解媚人。宮水正寒愁字字。吳江初冷錦。
鱗鱗更餘一種閒風景。醉雜黃花野老巾。

蘭亭次韻

蘭亭次韻
時盡閒

長堤高柳帶平沙。無處春來不酒家。野外光風偏拂。
馬市門殘帖解開花。新觴曲引諸溪水。舊寺巖垂幾。
樹茶回首永和如。昨日不堪悵望晚天霞。

送長洲居山人士貞

客裡尊罍每見陪，那能不飲送將歸。歌長筑短堪流淚，雉叫鷹呼未解圍。雨雲尚淹春籜薦，清明還競夜。錫非鄉風處處，從來異曾宿閭門。記憶微。

重修 乾清宮成迎

慈聖再御

輔臣用此題 選翰庶時子

容京師 漫賦

閭闔重新紫極熙，姬姜再御寶軒移。慈顏既近趨承易，聖體猶冲保護宜。鳥換歌筵前日曲，花繡輦路舊時枝。一人奉養兼天下，大孝鴻名萬古垂。

五色鸚鵡黃鸝並是 聖母所馴各賦

白燕往時呈翰苑，錦鷄今日貢宸居。萬年枝上栖偏麗，百鳥圖中態未如。參養固知天意在，語言長得聖顏舒。何因五色鮮成染，自是嫺皇煉石餘。

又

合殿風和碧柳絲，嘉禽色占錦紋奇。兼呈五德靈雞綬，倒挂孤桐小鳳儀。無數天機臨譜繡，有時人語出花枝。侍兒不用拋紅豆，自有佳音慰聖慈。右五色者

又

西隴靈禽翡翠粧。稀聞正色染黃裳。自談玉殿非關
學。却照金籠別有光。飲啄定應歌帝力。生成何幸稟
中央。千秋萬歲歡無極。上德坤輿本肇祥。

又

鸚鵡由來只翠衿。中央正色見於今。將懸半暎初生
柳。欲繡全宜細縷金。教言一聞清禁。銜果時時摘。
上林不是黃筓能。誰取誰知殿角有祥禽。右黃
色者

賞成氏牡丹和韻

將軍臺館俯林泉。春後名花幾日鮮。一本千金非不

貴。數杯深夜轉堪憐。披巾帶當亭下似。出綫粧媚
客前。遙憶舊京歡賞處。馬蹄塵上踏成煙。

王翁八十令書自松石齋中

鄉里丈人誰敢賢。竹齋先生無謂然。八旬尚有嬰兒
色。三老重登國學筵。春社插花入醉後。秋蠅作字夜
燈前。庭中桂子森如玉。白石長松好共懸。

姚崇明晚暎堂 喜不費愁

粉額縣題晚暎堂。主人留客夜焚香。提壺不必過隣
店。買笋真教棟破塘。彭澤俸錢多備酒。崇明宦案止

栽桑餽居幸得爲隣舍，伏臘長招醉酒漿。

清涼寺云是梁武臺城

蕭梁臺殿一灰飛，薺麥清明雉兔肥。
壞榜幾更金剝字，饑鬼應爛鐵賊圍。
東來鏡折龍潭水，北去蘆長燕子磯。
千古興亡真一夢，隔江閒數莫鴉歸。

壽馬先生七十

先生自會社之第三席又兩
牧州府縣魚蠍無魚蝦古人

流朱拂茜維輕霞，庭畔重縣講日紗。
一竹青青支國杖，數榴灑灑動江花。
社筵推長今三席，州郡分春已

萬家。自笑傳經老徐孺，猶將詩說江蟲蝦。

元夕寄金武康

與遜可寄

曾醉春街典破裘，那堪老去小囊頭。
鼠凌白晝爭人食，雨共青燈管夜愁。
萬戶新粧譚月鏡，一天彩勝亂風毬。
流思忽到蒼西路，似見絃歌擁子游。

寄上海諸友人

雙魚歲晚渡江津，筍飯鮑羹又換春。
棄印可望天上客，射書元屬海東人。
天愁夜幕鈴偏急，柵暗縲藤鼠正巡。
湖水萬重蘭芷隔，因君還上佩芳身。

戊辰廿有四日尚賓時中宿於園夜大風雨冰

厚尺詰朝得子甘北報走筆遍諸友

夢裏分明夢塞鴻朝來便有鯉魚通話深白楊三人
雨冰斷黃河一夜風馬憊豈堪重蹠蹶鳥飛何苦辨
雌雄雲天萬里嘗嫌窄恰作庖雞鎮日籠

玉師挽章

師蛻棺以四瓦甕
顛暈輝嶺庵中

隻鞋葱嶺去三年兩甕團團嶺箇邊劫火只思將骨
化寒花依舊護人眠我雖活在如籠鳥子已瀟然作
蛻蟬安得騎牛天竺道月明重話三生緣

養生書成紀事與夢

汪參同契成家釜炊飯盡
黃夢卜溪蟹如斗大脫殼

出嬰兒已而復
入殼時尚繫

黃梁換色道書成紫甲更來夢裏呈孝婦不寃終有
雨水禽持蚌一何晴中郎贖命慳修史叔夜瀆刑且
養生見說漁翁馮一葉波掀浪穩付前程

某氏新園

買地鋪山引露濃中縣洞壑亞玲瓏抽將茵蔯誰
水割取蓬瀛若箇峰江左枯基宜別墅襄陽落日醉
山翁花枝儘媚當尊客莫辨金釵座上紅

送趙大理

先巡撫貴州
遷擢大理

纔聞歸馬駐雙輪，又見旌麾動去塵。
廷尉由來須長者，武侯聊借服南人。
昨經湘水洲蘭莫，今渡黃河草春。
萬里波濤隨意挽，相逢處處有枯鱗。

綠牡丹

白牡丹姓張名珍奴
同道上效之修鍊

牡丹綠者未曾聞，狡獪司花此弄新。
漢水鴨頭教作帳，隴山鸚鵡未呼人。
韓郎頃刻愁難學，酒輩逡巡醉可頻。
不羨張家回道士，自拋紅粉練庚辛。

長公雪詩

與原作清峭亦相似

翩如巾舞玉人纖，皎似禪宗戒律嚴。
姑去盡留雲母粉，客來只醉水晶鹽。
正愁黃獨迷纜柄，故壓梅花入帽簷。
埋沒遠山知幾許，且收螺子畫眉尖。
何仙姑食雲母粉而

又

白糝堆寒沒曙鴉，姨家風急攪銀車。
翻將瀟水驢邊色，忽點孤山墓上花。
何物黃冠滕六友，相思白舫戴逵家。
今朝穆滿觴黃竹，笑指銀泥畫戟叉。

又

固知嫋嫋不勝纖。亦有稜稜非且嚴。劍底白猿塵起
女。槎頭黑瘦粉無鹽。冰初勢已寒千仞。霽後人多曝
一簷。笑憶小姬誇党日。可教輕試茗芽尖。

又

海上青山插鬣鴉。海鮫輪織不論車。儘教一夜裁綃
葉。那得傾都不奈花。粉屐特停漁者棹。赤梢併付酒
人家。蚨郎迫使劉伶去。忍別青旗燕尾叉。

青州贈鬘磯研副以詩奉答

義山詞色少陵

音調

恭承錦字題文石。尚帶青州海氣濃。蜃影幾痕疑墨
繡。雀臺萬瓦賤。漳銅鑿來好。燕張頭髮老。去羞箋鄭
氏。蟲應有紅絲。螭甲底宮鬘。爭捧寫嶺風。

莫老至韓矣

幾度相逢莫丈人。幾年斷却耳根塵。新潮正險君何
冒。舊雨重來話只陳。梅樹一堤通處士。桃花雙板閉
漁津。詩名到處南金重。自歎工詩老更貧。

八月十八日阿枳三江觀潮夜歸示

三詩每

前雄深後風逸不使少陵佳人拾翠句獨勝

東來小港入潮枯總直潮辰只大都父老猶談錢氏
弩波濤終奉浙江符一城菜熟須鹽急百笠蘆長縛
蟹麤却問黃塵飛未得祇言鹹濕滿頭顛

又

聞道黃熊伯子宮銀山銀海走銀虹千花競蹙魚龍
後萬里長來日月東河伯正驕秋水舌非神亦弄廣
陵風蓮姬自愛潮多信看弄潮兒欲嫁儂

又

胡馬帆檣故不禁鳴潮故避大江深非關冰許滹沱

合信是鰕高海浪沈處處新粧邀步磯年年舊雪漲
城陰阿宜也鎖書堂去獨曳青藜冰玉簪

戲擬不往

白頭翁籜齋中坐亦御蓮花頂上行九節閒將叩竹
杖一尋輪與老門生邇來婚嫁麤酬債此去風波任
打萍五嶽高頭誰掖我肉身菩薩未身輕

讀某愍婦弔集

弔集二愍婦之死非一端最甚
皆以婦章給其子不認其母云

孀鏡難教兩處明空桑真見一兒生噴乾口血臬初

大綵落梁塵，雉自經寸骨。崢嶸爭壑雪，百吟風雨響。
窓晴急須一本彈，漁鼓恐有中郎別唱行。

擬弔蘇小墓

六詩往往南吳，登客旦日見耶。

一杯蘇小是耶非，繡口花腮爛舞衣。自古佳人難再
得，從今比翼罷雙飛。雉邊露眼啼痕淺，松下同心結
帶稀。恨不顛狂如大阮，欠將一哭勸兵閨。

閩里有買得扶桑花者

俱屬大方

憶別湯江五十霜，蠻花長憶爛扶桑。陸郎第爾知何
等，趙尉栽儂定幾行。蜀鬼啼益乾，夜狸蒐搏血濕。

蒼蒼狂香結態堪，誰比箇是憨兒醉後粧。

又

炎花冷蘂逐時開，當取當爐着處陪。海女纏頭雖絳
帕，江楓落葉亦殷腮。千金知向何番買，一朶分簪破
帽來。奪取胭脂等閒事，只愁兒女太安排。

又

篋齒奩螺取次將，長紅大翠儘蠻娘。闌干笑語腮堪
譯，浣火衫裙焰未涼。白浪有緣陪賈客，江潮無伴醉
檳榔。吾鄉惡熱連年更，帶得蒲葵上海航。

又

鶴林寺裏別袈裟，又幻扶桑到若耶。溪女惜香還齒昔，海人澆醉歇枇杷。似聞此地春猶雪，悔上孤帆曉載霞。臘社少年貂帽上，簪紅莫忘過茶花。

今來自嶺海者云扶桑花也予昔所見殊不類是殆大蘇所詠涓涓泣露紫含笑熠熠燒空紅佛桑耳花家剪雙頰見寄始覺首四作之誤乘酒漫成六首以贖差錯插硯水瓶嫣然有笑語意豈亦憐老人之衰眊耶復取餘瀝

澆之當纏頭耳滇蜀村歌云披篋衣打杖頭鼓風流在何處予擬答鄉諺云雪落長江裏依舊化作水何不落則雨却要箇底底字鄉語不知花神有知作何平章夜見夢云更貴作所謂黃連樹下彈琴也

昔者曾憐佛桑賤，今來却見貴扶桑。天雞叫罷日纔上海，蜃樓高霞正忙。此時此花染欲醉，是株是朵香成行。都爭茜頰堪千鎰，誰問蓮花似六郎。

又 幽新趣絕

天喬萬里忘風土。天地中州若雨暘。面面燕支凌虜
妾。家家蝴蝶過隣牆。已聞好事狂通國。會見名園賤
洛陽。剩葉可醫蠶病不。大家春箔卧銀僵。扶桑蠶長
七尺子如

卵 燕

又

結殊繡艷解似齊梁亦不得

扶桑一擲百樗蒲。賈舶槌蚨罄錙塗。萬鉢鋤鋤寧汝
願。幾春爛熳爲誰都。益從海島陪田客。故試淮泥可
木奴。欲借邊鸞花鳥手。爲添王會百花圖。

又

後四句更率直老成

翠幄青欄半面扶。烘脂炙粉照茶梧。稍疑墟婦頭中
酒。莫認昭君肯嫁胡。幸爾波帆收北指。慚余霜鬢對
東塗。嫣然一笑如相問。儂是南鵬第幾雛。

又

直修高...

暖紅滴滴兩名娃。挿向磁甌研水些。崔閨小紗縫杏
子。石家大剪裳。榴花無案可傾河。朔飲有儂堪老邵。
平瓜矮檐破壁還愁汝。雨惡風狂燕掠斜。

又

將軍池館有王戎。何似扶桑到海東。過嶺風塵雙袖

暗際天煙漲一裙紅。細腰迴雪，憎魔女濃頰，圍燈笑。醉翁寄語寒溫，須着意，別來淚血尚溶溶。

寄吳通府以墨見寄

名成器休寧人時予初出繫吳勦倭功多在處有碑

紫顙舊映郡齋長，聞道顙今亦着霜。去定將軍呵醉尉，生猶碑字滿襄陽。殘軀乍別阿鼻鬼，寶匣遙飛片腦香。近日東陵瓜好不，幾從炎熱轉清涼。

魏文靖公卮貯以梓匣輒賦

魏家名德並恢恢，魏氏宗彝並偉瑰。既有貞觀丞相笏，復傳文靖鉅公杯。金螭百隻誇誰氏，火色千陶翠

此枚貴取隣醅賞，新購先澆一滴向西飛。

某君見遺石磬

泗上歸來動隔年，親提浮磬與泠然。一除梵版裁雲俗，再扣哀鵬遶竹圓。老去固難腰似折，貧來直到室如懸。閒窻重理當時架，數杵香殘客話邊。

賣貂

市上挾爲塞眼黃，將貂往市不成羊。孟嘗一腋收狐，白季子千金敝洛陽。固是此方饒毒熱，亦窺生事正空囊。鹿皮破盡惟斑在，大雪關門擁壞牀。

市上挾爲塞眼黃，將貂往市不成羊。孟嘗一腋收狐，白季子千金敝洛陽。固是此方饒毒熱，亦窺生事正空囊。鹿皮破盡惟斑在，大雪關門擁壞牀。

賣磬

做做多竹而鶉叫
振林每歌輒罷

貧來一石不能留，解贈王郎愧取酬。
莊舄戀鄉聲自舊，金人辭漢淚長流。
半肩荷蕢過門諂，一葉師裘入海遊。
寄語春秋休責備，後來能有此人不。

賣高

數詩詠諧灑落無非妙境

一束丹青半贊詩，稍如吏部長安時。
蕭條客舍彈碁得，流落人間作記垂。
到處馮將臨履估，傾箱拚共蠹魚饑。
卧遊忽奪正惆悵，壁隙何遮風太吹。

賣書

第三言已身亦將賣耳况書
乎作音做僮書用便了券事

貝葉千緡粟一提，持經換飽笑僧尼。
僮書我亦王家作，偶散誰非大塊泥。
帶草連年高纂述，巾箱一日去筌蹄。
聊堆剩本充高枕，字不看眠日低。

長至次朝

昨日涼雲絳色微，朝來南鳥北籠飛。
一九自弄玄黃劇，百線爭穿傀儡機。
小劫鯨蹄撐略住，大人龍伯負將歸。
何年婚復鞭爲馬，數盡河沙未放鞿。

岳公祠

慕門朱戟碧湖中，湖上桃花相映紅。
四海龍蛇寒食

後六陵風雨大江東。英雄幾夜乾坤博。忠孝誰家俎
豆同。腸斷兩宮終朔雪。年年麥飯隔春風。

某君生朝抹牡丹爲詩

道德固爲長久物。崇高亦是聖賢嘉。莫言白首疎狂
客也。顏朱闢富貴花。一研溫風輕散凍。數尖濃蔭醉
塗鴉。試教推向西京宅。未許堯夫筭有涯。

十月廿二日園西櫻桃數花便有蝶至

令節初冬過下旬。櫻桃數杪着花新。天寒翠袖宜深
幕。日暮紅簾訝美人。小頰預施三月粉。微脂未褪昨

宵唇梨花定不開。天上百姓人家借小春。

又

夏實每看當鳥盡。冬花何事向人妍。不堪憔悴行吟
後。故弄陽春欲雪前。正苦白頭愁兀兀。誰家黃蝶過
娟娟。杖藜立斷斜陽影。淚盡西風送菊天。

訪李岫巖山人於靈隱寺

時被繫七年暫放先
是寓杭年少暇則扁

舟湖上故
有未句

岫巖詩客學全真。半日深山說鬼神。送到澗聲無響
處。歸來明月滿前津。七年火宅三車客。十里荷花兩

樂人兩岍鷗鳧渾似昨，就中應有舊相親。

九月朔與諸友醉某子長安邸舍得花字

時一舊友

稍武故及之時

又備大茶溝道

滿庭山色半闌花，觴曲交飛古俠家。肝膽易傾除酒，
畔弟兄難會。最天涯不教酩酊歸，何事望到茱萸節。
尚賒燭暗，溝渾都莫慮。近來官道，鑿堆沙。

某伯子惠虎丘茗謝之

恒言俗事成許雅韻

虎丘春茗妙烘蒸，七碗何愁不上升。青箬舊封題穀，
雨紫沙新罐。買宜興，即從梅月橫。三弄細攪松風，
爐

一燈合向吳儂形，管說好將書上玉壺冰。

桐鄉馮母

其子或祖

三遷近俎苦霜時，一尺殊恩湛露垂。自古男兒嬰日，
少誰家。婺婦。帝王知。高齋客飯，寧辨髮落葉寒機。
幾斷絲兒說仙郎，棲海曲更無魚鮮到塘西。

又

青史他年定幾行，太夫人傳在中央。不須竊藥居明，
月自解將心結暗。霜片匣遠飛鸞字，重單雌親刷鳳，
毛長羅敷。雖老携筐在付，與吳姬出采桑。

畫魚既作古詩矣久之復得七律

茲圖稍似少陵詩微風吹雨出魚兒尺梢詎許牛溲
活遠水何勞象隊移是處有魚爭聚網畫心無懶穩
搖鬢五侯刀几知多少免爾為鯖正在斯

擬送巡滇者

先君後先兩撫賊故勞僅得夔州
府同知不有名宦可詞耶志可收

耶

握節新為萬里行何人不羨舊書生一簪白筆襜帷
冷幾驛紅蓮祖道平清淨共推周柱下糾彈交指沐
陰寧故家門第須喬木何況先皇許世臣

又

孟密土官爭寶井臨安郡大反狂酋兩番並屬先人
撫一字曾無太史收正值同袍巡此地却嫌泥壁向
高頭况無杯酒為儂別安得切切絮所求

過伯升宅玩骨董而菖蒲尤盛魚有紅色有藍

色有玉有錦俱三尾如鼎又有水晶四尾者

菖蒲鉢鉢虎鬚抽玳瑁盆盆錦鯽浮衰老一塵幾不

染小兒百件欲拏週言歸肯問遲和早再到寧知得

與不落日青山三四點幾回舟子促回舟

雪中移居

十度移家四十年，今來移迫莫冬天。
破書一束苦濕雪，折足雙鐙愁斷煙。
羅雀是門都解冷，啼鶯換谷不成遷。
只堪醉咏梅花下，其奈杖頭無酒錢。

又

高雪壓瓦轟折椽，跌凍移家勞可憐。
長鬚赤脚泥一尺，買備呼酒賒百錢。
饑鳥待我彼簷外，梅花送客此窓前。
百苦千愁不在念，腸斷茫茫黯黯天。

送婁某丞丹陽

乃祖御史

吾兄驄馬後昆賢，今佐鳴琴倍灑然。
雙杪長松廳事後，三吳流水大江邊。
應憐道路疲迎送，莫買鱗鯉糜俸錢。
他日相過莫相忘，金山頂上酌清泉。

錢王孫餉蟹不減陳君肥傑酒而剝之特旨

鯁生用字換霜螯，待詔將書易雪糕。
併是老饕營口腹，省教半李奪蟬螯。
百年生死鷓鴣杓，一殼玄黃玳瑁膏。
不有相知能餉此，止持葦脯下村醪。

文待詔却唐王黃金

數筍而小人持一

答嘉則

十年纔一問平安，只尺渾如對面看。舊日詩評雖有價，近來公論孰登壇。百年忽已崦嵫暮，一齒時崩首藉盤。臘雪秋潮同馬日，何人不道是金蘭。

詣五洩驢上，口占寄駱懷遠。何忝少陵。

勝賞猶懸百里堤，蹄僵路滑不勝泥。溪山待客寒雲外，雨雪逢君楓樹西。束帶豈難官自懶，尺箒不重老能提。何由共轡蒼苔上，指與諸峰一一題。

九流

九流涓也，落何流。戴髮星星一比丘，紅袖曾酣樓上舞。黑風仍墮海洋舟，偷歸畢卓生爲酒。辟穀張良死在留，每枉尊罍思一報。幾時將轄井中投。

雞聲

雲中丹竈伴神仙，亦有棲遲高樹頭。向夕旣來迴客夢，凌晨特去曉霜天。韻飄籬外雛俱集，頸漲花前繡愈圓。不似吳門塘上鴨，只將名姓向人宣。

蛙聲

陂塘科卜書，猶易海國侏儒譯。較難草際不知何物語，燈前直聽幾宵闌。榴風爲遞愁蛇覺，梅雨交喧亂

鳴欄五寸卽且留不得令人爲爾發長歎

聞有賦壞翅鶴者予嘗傷事廢餐羸眩致跌右臂骨脫突肩曰昨冬涉夏復病脚軟必杖而後行茲也感仙癯之易賊羨令威而不皆橫

榻哀吟輒得二首

澤國秋飈海色鮮飛騰無計只頽然雙棲入夜遮煙獨半影拖花寫雪偏衣袒右肩慵梵客柳生左肘任皇天可憐獨剩滄溟氣乞與昂藏步榻邊

又

欲鳴不鳴拍不禁况復蒼蒼萬里心舞袖今餘兩垂手曝衣惟障一邊陰不辭搖拽將池遠似解躡躡照井深傾國捧心翻所貴一庭欹影換清吟

建陽李君寄馴鷗俄殪野狸信至燕哀以三曲

于四畜鷗而馴鷗其一爲廣東陽江楊氏所遺一從少隸公行到分諸廩饋一爲錢子酬詩此則李所寄並閩產也○杜甫詠鸚鵡世人憐復損何用羽毛奇雍陶詩秋來見月興歸思自起聞籠放白鷗

魚鳥尋盟未許同冥棲誰復伴龍鍾荒欄取食曾呼掌繡尾迴霜罷掃籠老去逢愁消不易秋來見月放

成空定知此夜竟游處，多在武夷山水中。

又 性情閑灑

索姿馴態碧山空，劇爪貪涎一飽充。殘粟幾乾遺麩水，落花時起墮毛風。千里提携兩蠻嶠，四迴參養一飄蓬。將詩換得胡家者，向後不知何所終。

又 情鍾此輩蓋見潦倒

憶昨含悽下玉庭，殊方遠嫁儼姬羸。正憐妙羽搖孤雪，忍爲饑饕爛一腥。草色應枯武夷道，書聞亦濕建陽纓。情鍾此輩非關癖，猿鶴年來一壑情。

賦得萬綠枝頭紅 點

名園樹樹老啼鶯，葉底孤花巧弄春。已併濃陰渾覆鳥，獨留殘豔尚撩人。青樓百座迎桃葉，翠袖傾宮捧太真。記得隴西長吉語，十笻如海爲朱唇。

王鄉人壽二十年之父觀歸自衛輝合其母墳
寄埋叢塚北邙同有客，求尸萬莽中白骨兩鄉兒。得父黃泉一笑嫵，迎翁淚餘指點居。亭老血盡歛函夜，壑紅千古燈檠歸。樵事莫論真贗總輸儂。

賦得漁人網集澄潭下

紅椒碧鮓數。夔州百網家。家白鷺洲。柳外鳴榔喧。隔浦夜來燃竹滿。中流長鯨未必愁。連弩公子仍煩餌。一牛提向酒家都。藿葉可憐無計避。鑄油。

十七夕

宣城中遠滿
水至是水咽矣

銀帶邊兒駿馬。馱西墻倒酒。劇懸河高松入座無人。對明月當杯。奈夜何。此際鄉心愁不少。滿城流水響無多。東房老衲憐牢。落夜夜來吹鴨打鵝。

賦得賈客船隨返照來

千金不惜買鳴箏。萬斛魚鹽水上行。幾度煙波愁日莫。半程風物趣天晴。西郊鶴鷄摩雲入。東道舫舫晚飯迎。笑指紅霞如有意。乾衣騎馬廣陵城。

書劉子梅譜

子梅譜之序
亦曰畫之作

劉典寶一日持已所譜梅花凡二十有二以過余。請評。予不能畫而畫之意則稍解。至於詩則不特稍解且稍能矣。自古咏梅詩以千百計。大率刻深而求似多。不足而約略而不求似者多有餘。然則畫梅者得無亦似之乎。典寶君之譜梅其畫家之法必不可少者乎。

不能道之至若其不求似而有餘則予之所
深取也。急掀一過不必跨驢向灞橋而詩思
飄然。於是呼管贈典君書舊所贈二幅使吟
之。典君試吟果亦不必跨驢向灞橋而畫思
飄然。更掃一枝以歸我耶。

曳裾纔謝楚江蘭，却寫梅花贈歲寒。馬上不殊新折
寄雪中，又少舊年看。影從棘畔墻俱白，挂到宵闌月
倍團。分付東風好，將護他年山館障闌干。

又

江南風物在，新春筆底生。花幻水村似月，付將千片
影。因風欲動一窓痕，逢人固是難禁折。入帳還應惱
夢魂。笑殺朝來無粒米，呼童捲向市邊門。

送某之太倉

吳中曾客幾經年，此去昔帷得玉賢。潮認舊人頻到
岼，燕穿新柳特迎船。蘆芽白白河豚上，梅雨昏昏海
國眠。應憶越山籠鶴在，長於月出叫孤圓。

將牧羊庚戌元旦筮之得明夷之上六

入地登天兩不妨，從來作戲在逢場。門前晝靜堪

雀城上春深好牧羊披褐家門孫令尹入山經紀

中郎已知此意無人會閒坐看雲點太陽孫叔敖事見史記余

先子宦歸家甚貧故引用其事

元夕休寧道中遙憶鄉里

陌上雙雙結袂頻如飛燕蹴輕塵一年樂事花流水幾夜他鄉月照人驛路酒家留去馬溪橋梅色弄新春相隨惟有孤龍劍會向囊中笑客貧

賦得清秋落葉

白帝乘秋乘素蜺青娥挾露弄風威榮枯不敢違天

意搖落偏常寄客衣大漠霜淒隨角散孤城月白伴砧飛鏡中不久繁桃李愁殺秦川織錦機

清風巖

赤霞城畔女郎身曾將羅袖障胡塵半巖竹淚猶啼月一水菱花解照人那取藁砧還破鏡祇持完壁碎強秦江天風雨來何急似覺詩成泣鬼神

焦山縣屬死於牛觸實事也道人言之

徵君祠廟碧山隈僧舍中流面面開全楚客帆遮浦下廣陵濤色漫窻來曝龜何事當牛觸養鶴翻勞

石埋隔取深泥題不得空持黃絹立磨厓

林先生遷教瀧水

特將一鐸嶺南行水郭山郵路幾程方爲郡人教第
子又從海國領諸生石中鸚鵡當泥迸帳裡枕椰入
夏清莫以遐荒頻作念古來誰不重端城

讀易園詩應一仕人之索

爲園讀易幾盧都歸藏連山盡野狐大過久無仍假
我絕韋猶在儘伊吾百莖著草龜相守一角梅花鶴
自呼曾與京焦相問難至今記得石渠無

馬策之奉母任鳳凰山下之水樓

鳳凰山下遶清流策也迎親在此洲正好敲冰求尺
鯉倍宜垂雪飯高樓月中醉客搖船夜露下聽蟲助
竹秋何日細鱗噴網得招子沽酒柳橋頭

狐裘

裘被於雪夜苦寒取信
國文公集讀之識此

狐裘賒去止三金大海投魚兩歲沈鷹馬趁風嫌未
悉簷堦負日苦長陰歌聞未必如金石肘見真應提
領襟猶喜雪宵看信國髮衝冠頂汗淋淋

歲暮夜雪招二王詩人藟果小飲

二王二王來何難。榼榼清酤頓欲乾。何處王門無短
祓。最難客路是長安。薰鹽雪糝充瓶立。蔗藕霜消飽
膈酸。四海論交頭盡白。至今膽落體交寒。

徐文長文集卷之七 終

徐文長文集卷之八

公安袁宏道中郎評點
門人郝之璽公琰校訂

五言排律

宣府槐龍篇 有敘

宣鎮開府之西有槐曰槐龍。高不過丈餘圍
亦未匝兩把而廣團如蓋。糾枝如龍蛇。重不
可勝支。柱以數十可擬五楹屋之覆。盛夏葉
生蒼赭。鶩撲又若龜穹。而鵬下語其奇寒非

特一世所無卽鄧林見之亦當却避而偃也
然所云丈餘者榆櫛耳而頂折處始爲槐相
傳 毅皇帝幸此中人所接以植者或云
文皇子視之非百年中物云 文皇蓋 文
皇數幸此以討不廷 行殿當槐處意槐植
其時始然耶舊爲某叅戎宅圃以其所從來
如是也久之不自安迨今吳鎮公至則曰是
地爲 聖祖臨御以平定所不可以私準其
直贖之遂稍新其構用以備講武饗士予過
鎮公與萍逢者數人憇其下少焉榼至爲數
酌起步稍北得曲甃似以浮竿而涸不流問
水得古方井去槐可數十步汲以漱冷不可
銜以其甘也勉吸焉始悟水木母也母殊而
子以凡理限可乎以此推之未百年而成是
植未爲不可信也

大樹將軍號喬松大夫封何如茲茂蔭宛爾作深籠
目目尖成兎條條結縮龍乘涼翠葆颯撐暑碧油烘
開府何年買 天王舊物鍾賓觴飛遞外塞略坐

中鵬翼垂天下，龜裙覆海穹。柯南蟻壘國，甃北乳方
泓的的朱門照，霏霏綠霧濛。干雲榆所接，影月桂能
通。赭茨承新蛻，青絲斷墜蟲。五楹團廣廈，百柱卓雄
風。大漠馴驕子，長城屬令公。一枝陰虜馬，半葉掃邊
烽。矢石無忘備，尊罍稍可從。先朝勤灌溉，後代倚
幢幪。虬擬皇情悅，黃猶御氣蒙。長陵如可作，願
柱大明宮。

水仙

公排律荅鍊非沈宋可及

棄粉當粧匣，拋脂落茜坡。黃姑插金鴈，織女洗銀河。
敢以人間色，來方天上娥。借煙行作雨，不黛掃成蛾。
渡海群騎燕，橫江或跨鶩。盈盈素羅襪，泛泛綠鱗波。
剩馥迷湘芷，餘嬌付越荷。兔房秋杵藥，鮫室夜珠梭。
道子描難似，非煙繡不過。張顛狂草筆，塗罷一高歌。
萬曆二年翰林院中白燕雙乳輔臣以獻進

兩宮並賞殊瑞聞而賦之

以在玉堂故四句云

白燕自何方，雙嬌乳玉堂。若非翻向壁，只道斷從梁。
易許青藜暎，難教黑扇藏。宮釵今兩隻，巷口幾斜陽。
並語栽薇處，交栖視草旁。春情堪與譯，秋翮好填潢。

御水沿溝，岍名園隔苑，墻穿花雪片。疊落絮剪刀長，
逝拂宵麻素爭，搖曉禁蒼隨珂。迷賈至遮字冷，孫康
未及郊禱，候先歌命鳥章。兩宮看帶笑，萬乘盼
生光。或向罌罍度閑，馮女寺量江南來舞，苧海國墮
綃，襠哺蝶欺殘粉，捎蜂糝嫩黃。古詞卑首，荀新曲斷
滄浪出入，皆清禁差池半。紫房姬姜紅線繫姊妹，縞
巾揚巷咏，偏諧諼。廷裁必雅莊，冰霜俱入句，咀嚼
總生涼。飲啄如知介，飛鳴迥不常。瓊瑤報聖王文
彩伴仙郎，自古生賢佐，多因爾兆祥。試看今稷契，還

奉舊虞唐

送史叔考讀書兵坑

連歲賡酬久，茲晨伴侶稀。百觥澆鶴卵，一硯匣鼉磯。
漸到鳴灘岍，微穿聚葉暉。窮經朱簡斷，榻字墨光肥。
霜白興雞早，茅紅掣兔飛。逐時文股麗，入悟習心非。
水遠緘魚斷，山深脯獸晞。客來供鹿蹠，雉下警羅扉。
竹筏何曾爛，艤玄自不歸。

觀浴象

昨一象忽狂而奔，折廟門之闌，又輾耕，錄持荷筒吸酒名象鼻飲。

帝京初伏候，出象浴城湍。乍暎長壕黑，時涵巨浪

有顛皆積垢無尾不藏癩出沒漩渦口崔嵬蹇岍端
巴蛇吞未下灑石浸還乾決盪瓮泥落吹噴細雪殘
鼻卷荷屈水牙割藕穿瀾逐隊趨蹄易呼群拭背難
秣芻廝養習湔刷羽林官並是生殊域同來飼一闌
不爭儔力大共荷 主恩寬帶濕驚鈎鐵携涼臥藁
搏黿鼉心不畏鼠豕額何攢昨日誰狂走今朝爾頓
安從茲須自愛莫更損闌干

和葛景文

十丈高垣地團團遶棘柴青天縣鮒涸黑洞鎖龍垂
不以無窮變來縈有盡懷提壺向前去付鍾許渠埋
每剖遺魚素翻思去鳥偕真成秋落羽欲插上冲骸

抱琴美人圖 會真無此沈雅

身去盼猶轉抱琴何處來定知清夜裏去聽長卿回
細細腰宜舞輕輕步懶催睡濃粧略淡性慧相多猜
眉下波含柳顚心風落梅對人蓮欲語袖手藕藏菱
浣水傾吳國爲雲到楚臺帶飛修曳縞珮響細衡瑰
綠帳愁單掩朱唇似善詼冰絃寫離怨洞閣遠誼履
曉戶玲瓏啓春花次第開相將折芍藥掩暎過莓苔

蜀國倡嬌薛河中色妙崔試將同佇立正慙兩徘徊
宮髻髮一尺明珠環兩枚自然宜淡掃故不畫煙煤
或薦珊瑚枕如傾玳瑁杯息芳將近近粉膩愈皚皚
按曲迴成雪徵車響帙雷翟衣真帝也荇菜合悠哉
箜篌傳麗玉琵琶伏善才何如鼓流水真若遡沿洄
別鶴引如弄求凰調轉哀有人於座上奈爾隔屏隈
採藥人聞阮遊仙者姓裴不言偶襄漢定說見天台
巧笑金難買多香玉借胎繡穿新樣領綬結古文囂
皎似珠遊浦清如露滴槐採花棚上竹鬪草砌隅臺

約伴携雙手懷人在兩腮鴛鴦何處覓鸚鵡有時接
增減俱難中短長元自該趙妃宅裏妹宋玉里中魁
宛爾凝如望嫣然乍可俛臨波卽帝子食肉亦蓬萊
懊惱思金谷闌干哭馬嵬流波與流態令稿復令灰
絕代誠難得現姿理莫推如斯落魚鴈毋乃夢蛇虺
俠客氣何壯佳人棄若隕將來換駿馬期在得高駝
艷冶非不愛縱橫良有材從他形裊裊不戀志恢恢
湊兩難爲粲爲屏併作傀麝香新熟餅獸鼎舊安甍
茲畫何人染錢塘添子裁拂暎驚臥榻助腕汲新醅

持過西陵下，因啼蘇小堆。青松惟下鳥，紅頰已成煤。
潮長日初仄，春深草漸莓。山家時噉犬，捕雉又張罍。
上下鳧鷗沒，擎拳翡翠愁。物華迅流轉，顏色總塵埃。
處女元吾守，明時肯自媒。有時求柱桶，不信舍徂徠。
忌嫉生宮闈，芻梁飽鴛胎。祇聞饑婉戀，不見斥虺虺。
戲論摘多韻，談虛遍九垓。性空色不着，養致體逾頽。
旣已成圖畫，其何忍剝摧。屏圖裝已匝，花月任爲災。
書舍瀟瀟影，竒花一栽。對卿長比金，顧彼獨澆培。
風颯羅帷裏，蟲鳴玉砌咳。此時漢武見，又道李龜廻。

先除夕二日雪甚如嬰兒拳

次日迎春

臘盡接春將，狐眠枕被涼。朝興驚六出，午晏俛千篁。
兀坐愁空甕，群栖塞壞墻。搏酥幾鶴卵，絮柳未鶯黃。
堪取爲毬打，行看挂霽僵。明年從大有，連歲却餘殃。
見說開元寺，重新古道場。一髡擔化主，十殿敞閻王。
猶記迎春昔，長顏此地觴。解姬捎誕馬，蠻子襖綿羊。
樓角嬌波聚，亭椒嫩采粧。百壚忙酒保，四郭擠村娘。
獸圈攘牛上，蟲枝試鳥簧。不知今日賞，還有此風光。

畫坐草栗鼠

的色少陵

鼠有能跳者名因嗜栗傳兒童袖裏串松檜頂尖縣
寫躍難爲逸描蹲易犯妍臀肥隈草煖尾大刷瓜圓
叫喚孤雌別銀鐙舊伴牽坐思禁一飽暨產大如拳

電 奇險

刈缺儼睢盱緋冠絳褱襦礮彈鮮舌哆煙焰漲天嗟
侍從排焦額槐檀塞太虛光中藏栲栳麥處借幡旗
雞吐朝官綬龍逢海豻驅阿香開鏡數玉女笑壺輸
好作王戎眼休燒李勣鬚滅明難捉摸搜索愈逃逋
或見焚鱗尾徒聞遶斗樞金蛇穿雨劃赤兔駕雷屠

煨燼乾坤赭飛騰日月徐閉門遭斧鑿馮塔養蜘蛛
鎗斗何工煨硫砒若帑儲旱乾於閃魘冬蟄伴泥豬
萬瓦穿如瞰孤窓熱欲糜淫威神鹵莽僥倖鬼挪榆
昨夕狂傾潦群靈儼聚誅彌霄紅落燕罄海白跳珠
但勞梧桐去何曾打卽且雷火如燕
夷堅志

芭蕉花

芭蕉種四年華蓋發茨檐玉蘭爲媵姊木筆是曾玄
十一菴蓮萼尋常類馬肝坼難剗海蚌瓣厚落河蚶
香色無非歛蜂胥有自閒古粧蠶婦出立馬使君寒

春久枝俱果霞長鴈正還寄書蘇蕙老挾扇婕妤屏
我昔南過嶺蠻多種在田實甜藤俎上絲冷葛機邊
和荔燒天紫同椰蓋海炎別來頻屈指禿後止餘顛
不道孤亭畔言抽徑尺團逡巡無術致描寫恨才慳
太華尖崩半平原頽脫剝鹿遮樵者夢魚沈美人丹
苦少榴枝泛珊瑚奉倚欄

子侯芳園王瓜駢秀傳聞遠邇快覩咏歌附驥
非才續貂聊漫

老後圃聊便栽蔬夾芋田壞轡牽遠井破屋傍隣椽
脫帽當茶竈持劔掘笋鞭忽來新莫逆幸忝舊忘年
却說渠家圃如承帝眷倦瓜雖非五色蒂却領雙圓
杵向秋砧挂旒添曉纒縣繫胎咽并紐雖尾鼻俱穿
自是生成偶非關造化偏瘦孤羞杜預面對儼庭堅
未羨三眠柳那論並萼蓮嬌黃濃鬢鈿淺黑撇針綿
花謝知誰後藤升許孰先客歡浮白賞婦喜用紅纏
野鼠分行抱墻蝸別隊緣霜時爭畫捲月令特書傳
楊尹詩幾首柳州表一聯合歡光簡策內履慎周旋
駢拇從來賤重睡自昔憐馮他閒估校何處定媿妍

宴游西郊詩

有序 借飲寺人之園

去郭不五里有名園焉喬木蔽空流水遶砌
望之如錦屏幾折而花蟠就以携尊亭兩區
而暈矯迨若珍果纍纍貫珠蔚矣蒼蘿飄飄
結幄鳴禽調管半是黃鸝飛蠅怯冰全投綠
蟻待群公而未至適微興之孤騫大白屢浮
爰揮紫兔雌黃無事聊就黑甜乃若蒟醬木
癸之云無非實事朱卿侯家之引並非虛言
舉其尤者他可知矣

園樹有白櫻桃

艾候當龍舫萍蹤集鳳城凌晨催邸飯乘暇出郊行
短短蒲抽玉交交烏弄笙辭檐排擁蔽並馬得崢嶸
碧岫紅雲幻磁壺白雪擎候賓賓未集顧僕僕頻傾
蒟醬何方至胡桃撲地橫騎龍排木癸剪虎綴冠纓
綵扇臨杯烏蒲團就几馮甲蔬香百種根撥秀千英
菌菴含冰腦櫻桃滴水晶胡蜂俱仰蜜家鴿半棲甕
熟果從枝摘穠花得葉清看餘錦綺色聽斷軋轆聲
買竹金千鎰溫瓜火一星鈎彎遲桂臆流曲擬蘭亭
菱藕堆盤雪蠅蚊避席冰江南渾縮地塞北總怡情

折簡招群彥，聯牀勝百朋。來希王情懶，別易客心驚。
折柳條餘幾，牽衣淚鎮零。舞腰寧自賞，歌曲遲儂聽。
日炙嫣紅袖，風狂散綠萍。盆供春色滿，篔展晚涼迎。
茉莉簪紗帽，玫瑰裊綉觥。甘池淹席幕，金谷較輸贏。
可惜朱卿去，偏當赤地晴。錦帆風不進，玉笋月誰賡。
孤悶當蘆發，頽軀倚樹撐。長空生咄咄，懊緒付娉婷。
得意才俱雋，相如賦擬成。吹嗟真俗話，放浪自浮生。
毳遠飛明月，山來匝翠屏。歸雅分樹掠，饑馬望芻鳴。
入郭斜榆影，迴鞭指柳營。侯家銀燭朗，客座綵簾明。

貝葉書難譯，蓮筒吸判醒。轄沈驚座睡，樓迥景陽旬。
朝馬搖鳴佩，升烏影畫樞。百川如變海，重此醉長鯨。

張氏子黃鸚鵡

見說黃鸚鵡，西來自氏羌。色今分間正，天與改文章。
竟奪春鷗羽，全爲漢鵠翔。能言猩敢並，借染蜜初房。
稍挂楊絲亂，聊翹菊瓣張。金釵翹衛女，紅豆惹蕭娘。
惱燕依人紫，愁鷹掠兔蒼。香拳閒鍊爪，妙影閃銅梁。
江夏埋詞客，秦山問上皇。赭袍雙映淺，芳草一洲長。
夢兆呈妃子，琵琶喚海倡。性情胎戊巳，音韻合宮商。

百鳥窺應噪，孤凰見必傷。未能求一友，差可哭三良。
老病渾如昨，新聞喜未嘗。借看如可許，香稻當茶湯。
後聞鸚鵡眼，系直度兩眸。人可洞視，險句過。

惱公

雙瞳穿腦過，對面兩菱花。琥珀鑽松竅，琉璃釘扇紗。
隔顛孤碧炯，橫準一梁加。飲啄千峯物，雌雄萬樹家。
回頭忽不見，交睫夢成賒。摩盞晶初日，玲瓏射落霞。
照拳明蕨腦，夾喙影姜芽。戀月睚寒暈，啼煙淚澁沙。
端州鸚鵡研，蠻郡石榴砂。睥睨雄生怒，迷離媚作邪。
傾城秋水顧，阿堵虎頭誇。認客休青白，韜光混瑾瑕。
如憐蔡家女，分鏡葬琵琶。

題宋刻絲蓼花立鳥圖

江上深秋景，偏於蘋蓼妍。娟娟啼葉鳥，淡淡入村煙。
生色渾疑畫，微絲却是牽。精時愁呂紀，妙處失黃筌。
久挂方知定，初驚只欲翩。天孫無限巧，乞與世人傳。
丁卯六月十六日五鼓夢一憲公更訊予獄予

頗懇乞且歷數古人事憲公乃取片紙手書

一白犬從雪中獵作題且曰汝賦得十韻即

止乎賦得十二句而憲公逡巡起予亦覺半

忘矣今續成之

夢中所記者秦靈覺無據應呼二句亦強真夢中語也

太白高秦雪材官選漢都西焚非遠物冬狩是雄圖
冰溜蹄兼滑花銷毳結酥逐方餘狡兔烹豈遽韓盧
羽搏紛迷素毛燖糝共疎一聲非口吹萬壑徧鷹呼
馳影爭飛霰蹲身印守株窮搜寒愈急凍尾煖微濡
固取矜僑獨還宜解網罟莫教將耿雉文錦碎糶糊

徐文長文集卷之八

終

徐文長文集卷之九

公安袁宏道中郎評點

門人郝之輿公琰校訂

七言排律

上督府公生日詩

嘉靖己未秋九月廿有六日恭逢督府明公
之生辰於是文武吏士及鄉大夫士若耆舊
賓客以公自鎮撫以來功在東南者實大且
遠乃相與各抱其所有以為公長久祝而公

於今年春夏之交受諸道告捷之後奏凱
天闕戢兵海隅民物熙和甸宇清廓惟茲嘉
誕適屆其時萸菊交芳天日俱朗旌旗應爽
氣而彌肅饒吹協商颺而並遠慶者雲集萬
衆一辭比之往昔益爲隆盛某小子叨沐寵
榮間嘗一佩筆操鉛以奉侍幕下雖愚賤少
文不敢自附於衆人之後至於仰清光祝久
遠其心固無異於衆人也謹撰長篇一首凡
百句奉伏門下以充獻壽之禮自知拙陋無

所發惝然慕戀恩私忻喜盛事自不能已於

言耳

遠曙輕籠海色蒼涼颺新薦菊英黃清秋此日逢華
誕繡襦當年遶異香地與人文增氣象天爲王國產
禎祥壯猷未老如方叔秘略曾傳似子房初捧兵符
分虎竹再銜使命馭龍驤森羅島嶼諸夷會鎖鑰門
庭一面當刁斗不傳人自樂牙旗欲動勢偏揚雄豪
定遠遙辭漢寬大汾陽近在唐管領華夷新士馬掃
平吳越舊封疆曾先突騎重圍裏親式鳴蛙大道旁

已遣嚴兵營細柳，更教長劔倚扶桑。三承 寵錫恩

何渥，一受深知德愈光。定有姓名題御扆，每勤賞賜到遐荒。千齡素質雙麋鹿，五色奇毛兩鳳凰。國有昌符臣協吉，家承嚴訓子徵良。田單下狄親鳴鼓，姬旦居東久缺斨。屢觸歎炎辭羽蓋，轉巡郊野憩甘棠。軍中作氣頻投石，陣裏籌機捷探囊。蔽日轅門標大纛，浮天水寨集餘皇。雕弓並月名繁弱，寶劔衝星出豫章。幾處名香迎馬首，數群長鬣夾車箱。量兼滄海涵諸島，身作長城障一方。萬里星辰羅北極，百番貢道

出東洋。曹彬賜劔權偏重，庾亮登樓興合狂。引至偏禪堅誓約，邀還賓佐據胡牀。鯨鯢久已封京觀，翡翠行看出越裳。詎止芳名流簡冊，還將偉績著旂常。功成淮蔡應趨闕，路涉燕齊好待糧。將相位兼勞出入，君臣道合致平康。山城令節茱萸發，高宴華軒錦綺張。日照花明諸樂作，風吹帳啓衆賓藏。鶴鳴流響聞天漢，芝燦浮光到羽觴。競取良辰占上壽，復欣嘉會嗣重陽。樹聯月桂輝花萼，斗近天河挹酒漿。黑齒呈歌須譯問，文身獻舞傲專場。地連玄嶠仙常集，候傍

黃鐘日漸長，共以精誠抒華祝。况兼佳麗屬錢塘，
生本任山陰里，浪跡疑乘海畔航。城下釣魚懷漂母，
堂前結客憶周郎。未逢黃石書誰授，不墜青雲志自
強。抱玉已憐非楚璞，吹竽那識勅齊王。幸因文字蒙
徵檄，時佩管毫侍瑣廊。綦履東西魚共麗，戎衣左右
鴈俱翔。縣知陳阮時游魏，篋乏鄒枚並寓梁。博採燕
昭期致駿，曲存宣父愛非羊。衆人國士階元別，知己
蒙恩心所量。自分才不難堪記室人疑待已過中行構，
成燕雀猶知賀報取瓊瑤未可償偶值高門挂弧矢。

且賡小雅賦，桑楊却慚未協宮商調。莫並當筵巧奏
簧。

奉侍少保公宴集龍游之翠光巖

命與元嘉則
賦時方有

樓船幾日下錢塘，勝地臨江綺席張。虎帳山開蘿作
帶，龍潭水積劍爲光。芳羞自出船窓底，妙響偏宜舞
扇傍。日暎桅檣兼樹密，風吹絲竹裊雲長。漁郎賈客
停何事，桂楫蘭橈渡不妨。暫脫錦袍懸翠壁，忽抽彤
管拂青絳。閔中國計籌能悉，醉後兵符發更詳。寶馬

嘶群行雜錦，紅旗懸的射穿楊。霜前下葉沙俱積，雨後殘碑蘚更香。野曠牙官分作隊，林疎甲士補成行。松杉借翠連幢碧，橘柚分金映甲黃。羽扇周郎臨赤壁，輕裘叔子在襄陽。庾樓無月人猶往，郢幕開風客不藏。遠眺非關眴，麗景雄心先到遐。荒建溪露布風雷急，淝水兵威草木揚。却與從行諸幕士，維舟九曲泛清觴。

數年來南雪甚於北，癸未復爾人戲謂南北之氣互相換，似賈人帶之往來理，或然歟。邊塞

不易雨而今每潦十九韻

陰陽北去隨南客，雨雪南來自北天。雨爛胡弓知幾歲，雪高越尾已三年。偶然盡海迷遼鶴，不是登橋聽杜鵑。吠犬從今無一處，喘牛必問有諸賢。明明日向彤雰暗，杳杳璣籠紫霧懸。羲氏輪膏埋壁屑，滕公河水瀉銀錢。鈿鋒插戟包難見，深窅穿泉粉愈填。萬里蕭條昏井邑，千家凌奪失園田。疑花宿誤群歸羽，折竹真摧幾個圓。鼻醋醜寒先慣吸，羹鹽調劑未堪煎。傾危作兔當山頂，搏控成獅向日邊。借皎肥身反

飽吹乘害物素猶拳綿針絮刺俱叢棘玉辨銀筒假
淤蓮陽德盡闕閭闔上陰威直到祝融顛華亭羽翼
漫天久上蔡鷹廬獵野偏伍員江長潮正怒三閩涉
白骨新捐稀如尸蠱穿雲去細似繩蠅點壁旋急舞
魚鱗明扈跋繁遮蝗陣暗霄騫袁安臥苦僵猶得解
緡尸埋醉可憐萬事^皆俱埋得盡有時終露髑髏窅

次夕降搏雪徑滿鶯鴨卵余睡而復起燒竹照
之八十韻 險澁幽苦東坡後復見乃公

把炬循除立斷蔡鴉驚彈雪宿印低終宵有許垂鶯
伏片刻應能沒馬蹄一一劈分舒濶掌團團捲擲碎
霜梨紅塲盡海毬爭打白鷺橫江荻未栖崩屋塌簷
支正急窺窻入竇倚相睽後飛輕薄高難下先引威
稜導且齊隔歲窖藏猶霰雹群兒想象入狡狴辨觚
出六摧桃李瑞舛過三黨稗稊博浪金椎徂擊遍彌
天白燾殺機提鸞髯鷓鴣赭吹毛盡竹哭梅啼到骨披
穿重解深主窟鬼侵多不剩一丸泥暗隨鵬翼長沙
拍亮誤雞司短曙啼灰燼挑殘寒夜火袍誰脫與故
人綈流蘇旣縞堪鈎挂粉的渾綿向鏡低風絮謝娘

難可擬煙蘆。旌客幾成迷。公孫被襍涼如鍊。子母妖
縉瀉若漸。獸徑易漫麋。散跡獵弓難放麝。香臍巖俱
周處南山額。毳盡蘇卿北海底。鮫室百窻簾蛤蚌。羌
胡一國水玻璃。饑脾苦逼長安。殢酸鼻寒。淒宰相醯。
葉尹如捐棺。可玉麻姑未老海。堪梯洪厓走汞。流松
外穆滿量珠。賞竹西綠鬢取裁。壘髻樣金釵都換柰
花鏡。儒壘瓦甕鹽艱。襟俠噉屠門蒜。太鸞蝙蝠假仙
搖石乳。蝮蛇馮膽攪銀堤。將紉作蓋俱成羽。取綴爲
裘盡是麕鷹隼。攫身功奪狗牛羊。埋角罪歸麋軒轅。

鏡色飛橋頂。歐冶鐔霜掣。劒谿蕩樣乾坤成。玉合紛
紆翳膜刮金篦。楊妃暗粉玄宮發。卓氏綦巾皓首齊。
此際胡雲黃滿塞。當年梁簡赤曾題。霽微未必清鐘
磬。灑急如堪付鼓鼙。紅袖共斟將共若。錦囊須佩却
須奚。寒郊瘦鳥吟成蝨。煖肉肥肌屏作閨。漸離荆卿
僵易水。趙王代娣冷摩笄。瑤枝上漢叅雲霧。銀鬣行
天睹馱騃。併是凌寒貞歲柏。不同趨熱媚權桂。親淹
上國表曾做。眼見金吾騎總緹。盡領熊羆供掃拂。別
從雉兔較罟罝。高培糞梗團成菌。柔做山毛嫩作芝。

肖條睢盱，菱罔兩，塑嬌咽。項女螭螭，粧塗恨少，施肌
髮刻畫，爭先解佩。鶴何事，井噴煩蜥蜴，祇馮陰焔。殿
虹霓，瓠犀璀璨，排媽齒，榴子齟齬墮。老覲解，櫬紫駟
鮮豹犢，俄穿翠褵，化貂珪，宮奩鏡，煖因椒瑾，塞壁刀
斜謝，鷓鴣木稼，怕官謠，雜識草乾，愁收馬頻嘶，媧皇
煉石，霄猶漏，帝女燒鉛，杆懶擠，凍霜尖，持燕七首，明
窓塵射，魏刀圭，睥睨釘斷，于闐帶沙礫，礬刃令尹珪
連日大醕粲，儘掬傾筐，堆帛取如携，騎都爛漫，糜羊
胃庖坦，縱橫解犢，脆燕領不醒，顏錦帳，蛾眉邀醉疊
金碑，卽堪楚曲流，宮徵必喚，齊僉許滑稽，蕩甲搖犀
明練組，長鷗大鏃，拭弧鉞，孤煙罷突，眞三日破釜，縣
臍僅一鱉，水木騎羊來代逝，滕封弄雨，各訶詆，心憂
掘閤衣麻矣，狂走芄蘭帶，悸兮宴爾黃腸，洩鼯鼠，俄
然白骨，華鯨鯢爲燈，跋燭須臾滅，沃錠消瑒，頃刻齋
公向蒼儀，騰皓潔，竟忘赤地混緇，鰲隨颶過，越迎關
吠度葉爲花帶，烏棲蜂蛺，誤猜堪蜜蠟，清明纔斷，正
錫梯西池，萬里吹黃竹，東郭雙定，趺赤鞮，想見穹酋
鳴立圍，親看牀足縮，跌螭恰妨青帝，迎春仗無救，朱

炎病夏畦，壓取剛條，俱偃偃。試尋勁草，但萋萋。幾時
千仞消凌蟬，何處雙桑赫海輓。形虎似鹽虛，晉俎調
梅無味，枉商鑄蝗蝨，未必沈三尺甲，拆先應了一卦。
莊語夏冰蟲定，恠趙襄冬日禩，爭後風偏助勢長成。
練月總輪光，不到犀履薄，有人愁墜谷，乘危無盡上。
埋柩豈無黃道，辜蔡藿，翻以丹心許。疾藜火急，寄言
青女道，添霜啼殺伯勞兒。

連雪後迎春憶舊十二韻

土牛一夕添神采，雨霰連朝妬客鞋。邀隊本期相跳
躑，踏遊不暢只擠排。冰牢北土瘠，璣澁凍滑東郊仗。
引乖老病似蟲吟，草實少年如夢憶。蓮淨飛香塞巷
堪經宿，立帽平簷別漫街。傘綵連毬追寶馬，爭梅帶
雪上金釵。花房醉客，餽來鷺水，店爐姬饌，紫鮭小市。
溫淘槐盡葉貴，筵餅何非。初爰蕭條，邑里難如昨。想
象風光未必皆是處，從今跌盡草中央，偏我立如柴。
一隅掩鼻真成笑，七字瞞心戲作俳。青帝祗今何處
去，勾芒一似不曾來。

徐文長文集卷之九

終

徐文長文集卷之十

公安袁宏道中郎評點
門人郝之璽公琰校訂

五言絕句

題畫

墨竹杏花

嫩篠捎空碧，高枝梗太清。
總看奔逸勢，猶帶早雷驚。

又

當其尋丈節，數寸蛇與蟬。
化工無筆墨，个字寫青天。

又

朶朶西施曆年年。牆外窺。莫嫌粧不澹。帶酒未醒時。
又

枝枝出牆語。朶朶向人窺。宋玉鄰家女。施朱太赤時。
扇中雙蝶

春至百花繁。名園蛺蝶翻。美人將扇撲。搗得一雙痕。
蜂

雙股粉黃籠。飛遲趁晚風。君王方課蜜。不敢戀花叢。
白牡丹桃花 下三首取像雅絕

桃艷比天姬。花王富貴姿。楚襄春日下。閒坐選蛾眉。
剪春羅 垂絲海棠

美人睡不足。春愁奈若何。垂絲綠窓下。聊爲繡春羅。
石榴荷花

畫得荷花朶。傍依海石榴。西施夜浴罷。催火照梳頭。
兩蝗蟲

派雪打茆茨。飛蝗慘不孳。無由苗上見。畫取兩雄雌。
艾蘿蔔

圃內一鋤淺。毫端兩詫深。廣州初斷葛。上黨未蒸參。
圓圓馬

西馬入瓜沙風塵道路賒。試言如此匹消得幾筐茶。
毛魚作隊遊芟塘。

作隊撼春萍。雙頭寸未盈。老漁暫相借。江海幾長鯨。

畫

朱夏鬱蒸時。晶瓜碧玉滋。疎簾三尺雪。小簞一枰碁。

詠畫

一意去腐

春

春嬌最何物。桃花與楊柳。惹儂或有詩。市遠那得酒。

夏

城市或囂炎。在野心不熱。意欲施茶湯。行人他處渴。

秋

何處住。高人低茅水。上貼江濶。杳難尋。過客指紅葉。

冬

梅花一萬梢。紅寺五十里。天晚不到門。雪深沒驢耳。

江船一老看鴈群。初起

警鴈避羅舫。江長起未高。眼拚一餉後。看到入雲梢。

似赤壁遊

一艇泛三人。多疑遊赤壁。無處少江山。但無此好客。

石榴

閨染趨花色，衫裙尚正紅。近嬌瓜子茜，賤殺石榴濃。

竹染綠色

明艷跌蕩太白何疑

我亦狂塗竹，翻飛水墨梢。不能將石綠，細寫鸚哥毛。

對岍觀岷大瀑

瀑布挂江北，望者江南猜。雪花那不到，霹靂過江來。

獨釣寒江

大海有鯨魚，五岳其鼻額。任公釣不來，煩爾一絲雪。

閱書者倚老樹

爾自作蠹魚，我不閱一字。逢着好樹根，抱着枕頭睡。

雪景

此際山陰道，啼惟有莫鴉。萬山無寸碧，何處認梅花。

魚蟹

夜窓賓主話，秋滿蟹魚肥。肥飲無錢買，思將畫換歸。

杏燕子

必透題情

玉京紅線斷，樊素絳唇嬌。好着鞦韆架，其如不解描。

寫竹答許口北年禮

羹鯉稻梁餐，沈思欲答難。只裁殘拜帖，寫竹當春盤。

寫蘭與仙華子

仙華學杜詩，其詞拙而古。如我寫蘭竹，無媚有清苦。

尖頭麻螿

身輕宜歇草，頭銳欲鑽螺。正苦毛錐乏，如儂太軟何。

蒲桃

聞道羗葡萄，家用醅酒老。夫畫筆渴，此時堪一斗。

張氏別業

樂志堂

備言志所樂，何關堂與基。主人向我道，但看鳥悅枝。

流霞閣

閣中餐霞人，絕無煙火色。誰宰武陵雞，來作漁郎食。

竹塢

淺淺四句詩景無窮

題詩竹塢中，竹長時出垣。誰能將鐵筆，一畫牡丹園。

青蓮島

小島含巨浸，能滋花葉開。青蓮大如許，跏坐幾如來。

小若耶

別沼分湖水，因名小若耶。水流有大小，却一樣荷花。

芙渠逕

大堤遶芙蓉平鋪三百步誰云水中花不蹙陸行路

浣花橋

鏡水及苧蘿相望不盈尺郎家浣花橋妾家浣紗石

水墨軒

萬頃茫茫處開軒榻絳州水光白濕研不用汲池流

桃葉渡

書中見桃葉相憶如不死今過桃葉渡但見一條水

又

憶渡桃葉時綠楊嬌粉面丈水五石泥好影照不見

六言絕句

村家飲

新竹已成蛇尾秋雲乍起龍鱗不雨空啼布穀乘風
且脫紗巾

漁家圖

小練乳兒紅袂斜陽曝網黃蘆但得同心夜浦不願
嫁與秋胡

列子御風圖

旬餘身在遙空一葉枝辭芳樹若教風歇青蘋試問

人歸何處。

徐文長文集卷之十一

徐文長文集卷之十一

公安袁宏道中郎評點

豐于潘允宜左之校訂

七言絕句

贈呂山人

西陵渡頭秋水寒
年年歲歲走儒冠
不知天姥山中
客十載關門傲長官。

龕山凱歌

為吳縣史鼎菴

縣尉卑官祿米微
教辭黃綬着戎衣
賊中何事先寒

膽海上連年數破圍

又

短劍隨鎗暮合圍，寒風吹血着人飛。
朝來道上看歸騎，一片紅冰冷鐵衣。

又

紅油畫戟碧山坳，金鏃無光入土消。
冷雨淒風秋幾度，定誰拾得話今朝。

又

森黯悲人

無首有身祗自猜，左啼冤鬼右啼骸。
馮將老譯傳番

語此地他生敢再來

又

自是詩史

旗裹金瘡碎朔風，軍中吮卒有吳公。
更教厮養眠營竈，自向霜槽餵鐵驄。

嘉靖辛丑之夏，婦翁潘公即陽江官舍將令予

合婚其鄉劉寺丞公代爲之媒，先以三絕見

遺後六年而細子棄帷，又三年聞劉公亦謝

世癸丑冬，徙書室檢舊札，見之不勝悽惋，因

賦

聲有餘痛

十年前與一相逢。光景猶疑在夢中。記得當時官舍裏。熏風已過荔枝紅。

又

華堂日晏綺羅開。伐鼓吹簫一兩迴。帳底畫眉猶未了。寺丞親着絳紗來。

又

筵前半醉起逡巡。窄袖長袍妥着身。若使吹簫人尚在今宵應解說伊人。

又

掩映雙鬟繡扇新。當時相見各青春。傍人細語親聽得。道是神僊會裏人。

又

篋裏殘花色尚明。分明世事隔前生。坐來不覺西窓暗。飛盡寒梅雪未晴。

內子亡十年其家以甥在稍還母所服潞州紅

衫頸汗尚泚。余爲泣數行。下時夜天大雨雪。

黃金小紐茜衫溫。袖摺猶存舉案痕。開匣不知雙淚下。滿庭積雪一燈昏。

將入閩方許二君餞別分韻

萬丈高城控井闔，誰家池館隔江津。
勝筵不用扶紅袖，楊柳芙蓉擁醉人。

凱歌贈參將戚公

戰罷親看海日晞，大酋流血濕龍衣。
軍中殺氣橫千丈，并作秋風一道歸。

又

金印纍纍肘後垂，桃花寶玉稱腰支。
丈夫意氣本如此，自笑讀書何所爲。

望夫石

海天萬里渺無窮，秋草春花插髻紅。
自送夫君出門去，一生長立月明中。

宴遊爛柯山

萬山松柏遶旌旗，少保南征暫駐師。
接得羽書知賊破，爛柯山下正圍碁。

又

偏裨結束佩刀弓，道上逢迎抹首紅。
夜雪不勞元帥入，先禽賊將出河中。

又 儒將風流

帷中談笑靜風塵，只用先鋒一兩人。
萬里封侯金印大，千場博戲采毬新。

入武夷尋一線天道中述事 行渴得巖 嫗乞茗

花落花開隔水津，棧梯茆屋總堪鄰。
扁舟若不尋歸路，便是武陵深處人。

又

乞得瓊漿一碗新，沿溪行盡渴生塵。
雲英只在桃花下，不肯呼來見外人。

雪中訪嘉則於寶奎寺之樓店 入畫

山徑尋君重復重，小樓百尺卧元龍。
安窓偏向梅花角，去睽江天雪數峰。

七里灘

百畚獅象一溪泗，一頃銀光萬箇頭。
水石何緣能有此，星辰盡夜殞寒流。

又

淺水礮頭蘸幾堆，清涎齒縫破生梅。
竹舟欲過從何處，無數游魚磕額回。

武林館中與徐仁卿同宿因贈
徐號天峰武義諸生也徐千斤
樓上張燈倒瓦卮自居東面喚人陪須臾據案言兵
事蹤帽偏欹橫兩眉

又

自造提刀偃月文諸工圍煨焰吹雲當時試舞猶嫌
薄鐵橋連環六十斤

趙君將買妾戲寄之

宮髻一鬟堆燕雛胭脂兩朶暈紅酥三千仙子雲中
有十五吳姬天下無

禪房夜話和韻書付玉公

一月真時月月真何須種種別前塵禪房昨夜燈前
話誰是客人誰主人

折桃花

淺言雅韻人自不肯道

誰家桃樹倚西隣摘下還存樹底新日暮插頭過市
上疎疎數朶頗宜人

徐濟之携新婦侍親揚州

初縮同心結尚鬆那堪波浪度江風華堂一入姑親
道新婦揚州芍藥紅

送丁子範

時予方入武夷

君去高郵是壯遊，風吹樹葉綠嬌秋。
歸來佩劍不須脫，尋我武夷山上頭。

夏相國白鷗園

白鷗池水拍天平，相對瓊樓入太清。
試問歌臺生草處，當時曾許外人行。

又

詞客登臨信筆裁，每於花謝笑花開。
請觀世上看花者，曾見花開不謝來。

竹枝詞

劉蘇州無此興

風前燭焰片時紅，馬首西時馬尾東。
兩隻鴛鴦睡不醒，一隻相思愁殺儂。

又

籠中鷓子不得出，籠外要入將奈何。
一邊蟲粘蜘蛛網，一邊窓打撲燈蛾。

閩門送別

愴傷語不堪再讀

送別閩門日已西，自將光景比烏栖。
平生不解依枝宿，今日翻成遶樹啼。

予自浙抵新安登齊雲還浙道中旅館頗多音

景而不成一字至衢自嘲一絕

繫馬梅花索酒時溪山遙映酒家旗何爲每到堪題處不解吟成一字詩

寄徐石亭

有此一詩較看花風氣轉勝

聞道名園盛牡丹豪家歡賞到春殘自憐亦具看花眼種菜澆畦不得看

乙丑春正月廿有四日與某等携觴俎探禹穴就十峰山人馬丈飲於小園林卉雲繁索得

海棠秧二本穿籬過別畦又掘竹母數根而

去時薄靄滄生山翠欲滴衆客怖雨輒爾拂

衣

一時幽韻可掬

春來携酒醉春蘿乞得春花一兩窠不若取將松竹去成陰留待主人過

送陸子之閩

羨爾寧親向百蠻扁舟日下萬重灘經過舊路吾能說雪浪屏山畫裏看

留別倪子

雅舊

小門一徑柳垂絲。簾下垂裾話別離。却問歸來是何日。海榴如火燒高枝。

天目山

左觀音二左右
杉大者至八抱

鍊羅漢已燒成塵瓦。鑄觀音又一新。見說前村披木葉。青裙夜降紫姑神。

又

赭鍊青銅凌紫煙。能爲人語向人間。二千年事說不盡。夜夜青溪勞往還。

又

斷壁孤杉四十圍。不關雨雪陰霏霏。柯南一國痴螻蟻。長恠曾無白日飛。

南海曲

一尺高鬟十五人。愛儂雲鬢怯儂勝。近來海舶久不到。欲寄玳瑁簪。未曾

嘉則擬紅衫四貌

春郊走馬

春郊大堤無盡頭。沈郎走馬着紅裘。迴鞭故遣穿楊柳。衝落楊花撲紫騮。

東山擁伎

道人道帳剪輕霞，醉臥青樓小伎家。
小伎紅衫何處買，同是南京杏子紗。

秋江把釣

戴進不得武英收，爲抹勾漏絳釣裘。
若使今朝逢沈四，真成伯樂哭驂騑。

高樓對雪

高樓一衲錦毛梭，萬玉屏圍紅叵羅。
雪裏茶花儂似否，急催滕六剪銀河。

燕京歌

人云斗牛眼甚惡最嚇人

西北池中有斗牛，人傳一挂一時收。
要知不是凡鱗介，只看眉潭白兩毬。

又

繡人須樣繡新裘，爭看池中活斗牛。
及至見時無脚走，各繡紅袖急遮頭。

又

斗牛何處見英豪，穉眼令人膽不牢。
及問當年親見者，只推霧裏見分毫。

又

蕭后梳粧別起樓，太湖石在水空流。而今樓瓦飄零盡，只乞中官看石頭。

又

綠樹連雲撥不開，忽扶黃瓦出樓臺。隄長水濶三千丈，一日惟看一殿回。

又

千里馬來自西南，夷館朝廷鎖鑰嚴。幾回欲看無由看，墻外聽嘶出屋檐。

又

貢來獅子看曾真，養在西城十四春。更欲乞看云不可，昨朝攫碎菜園人。

燕京五月歌

風趣天然

石榴花發街欲焚，蟠枝屈朶皆崩雲。千門萬戶買不盡，剩與女兒染紅裙。

又

竹黃如稿少鮮妍，一叢五竿百箇錢。賣與人家那不貴，湯澆火炙過冬天。

又
學莽菱藕賤如柴竿蔗年來漸亦栽百貨百珍俱得
到却無一箇荔枝來

又

燕京百事且休憂但苦炎天道上溝近日已聞將掃
括不須遮鼻過風頭

自馬水還道中竹枝詞

灣灣曲曲幾山溪眼眼腮腮淚落絲立到馬遙人影
沒更誰知爾下山時

乘霽自福田遍歷善應翠微洪光大悲諸招提
翠有石洞西夏僧兀坐其中自言至此可六

萬里齋罷擬游西湖輒止

禪槽養馬似支公控馬長鬚鬚插紅却說看山須霽
好昨宵濕馬費梳駿

上谷歌 尋常語俱妙

少年曾負請纓雄轉眼青袍萬事空今日獨餘霜鬢
在一肩輿坐度居庸

又

居庸卵石一何多大者如象小如鵝千堆萬壘無他
事東擲西拋只蹶騾

又

八達高坡百尺強逕連大漠去荒荒輿幢盡日山油
碧成堡終年霧喫黃

又

箇箇健兒習戰車重重壁壘鐵圍賒儘教上谷長千
里只用中丞兩臂遮

又

塞外河流入塞馳一般曲曲作山溪不知何事無魚
鱉一石惟容五斗泥

又

昨向居庸劔戟過今朝流水是洋河無數黃旗呵過
客有時青草站鳴駝

又

橐駝本是胡家物拽入人看似拽牛見說遼東去年
捷奪得千頭與百頭

宣府教場歌

宣府教場天下聞箇箇峰巒尖入雲不用弓刀排虎
主天生劔戟擁將軍。

早渡銀洞嶺

銀洞高高嶺百盤峰巒插筍倚天班馮誰喚起工摩
詰畫作賢人曉過關。

胡市 趣甚

千金赤兔匿宛城一隻黃羊奉老營自古學碁嫌盡
殺大家和局免輸贏。

邊詞

並客燕時到馬水口及宣府之作

四壁龍門鏤削圍枉教鄧艾裹氊衣莫言虜馬愁難
度即使胡鷹軟不飛。

又

牙兵箇箇是熊羆別選奇才養作兒試看陣雲穿急
處一團蜂子擁人飛。

又 古茜

墻頭赤棗杵兒斑打棗竿長二十拳塞北紅裙爭打
棗江南白苧怯穿蓮。

又

立馬單盤俯大荒提鞭一一問戎羌健兒只曉黃台
吉大雪山中指帳房

又

十八盤山北去賒順川流水落南涯真馮一堵邊墻
土畫斷乾坤作兩家

又

黃酋墮馬已成禽漢卒爭功被脫身鬼鬼至今留黑
石堯熬連歲落魚鱗

黑石堡所禽地也
得其冑上之朝

又

八里庄見一堡中銀鑲小杏墜腮紅粧成自不撩人
看起莖黃芻餵缺驄

又

葛那頸險斷胡刀葛手攀頰按得牢歸向鏡中嫌未
正特搓過左一絲毫

葛那宣府之降胡

又

此下四首並
俺答甥女事

女郎那取復梟英此是胡王女外甥帳底琵琶推第
一更誰紅頰倚蘆笙

又

老胡寵向一人多，窄袖銀貂茜。
羅逋與遼東黃鶴，子側將雲鬢打天鷲。

又

汗血生駒撒手馳，况能粧態學南閨。
昧將皂帕穿風去，愛綴銀花綽雪飛。

又

姑姑花帽細銀披，兩靨腮梨灑練椎。
箇箇菱花不離手，時時站馬上胭脂。

又

曾見思歸數寄書，忠冤畢竟滯邊隅。
可憐一斗長弘血，博得墻圍柳數株。
右過沈光祿宅及拜祠

又

十八盤南甃沸湯，燕京樓子待梳粧。
當時浴起蕭皇后，何似驪山睡海棠。
十八盤山有湯泉云是遼后浴處

又

邯鄲才人似花枝，嫁與遼東廝養兒。
懶向樓中拈粉絮，解從馬上寄征衣。
守馬水者遼東李寧遠之子家卒敢死婦有秦風

又

黃鼠白脂捷遁迹，夜猴搏鼠捷於猱。將猴比鼠無多
大自古，獐麋怕阜鵞。

長干行 惜作竹枝體

玉人夜夜板橋灣，金盡蕭郎隔水看。不分踏樓騎鳳
脚，偷來橋外立紅闌。

又 不無過巧趣却不足

木蘭艇子夜夜開，桃葉桃根太往來。攪起鴛鴦雙睡
翅，倒嫌他扇落金釵。

又

紅樓青樓是爾家，鴛鴦家做在荷花。月明打開猶自
可，月黑打開愁殺他。

又

野鴨鴛鴦姊妹，如打散鴛鴦鴨。亦飛月落沙空俱不
見，滿江鶯鷓甲雄雌。

鍾子投我篆章答此

定是元常幾代孫，朱砂小篆遂專門。誰知老子壁探
路，竟讓新郎屋漏痕。

擬往中止

綠菽胡麻各一盤，憐君餉我每朝飧。
猶聞竈下青衣嫂，打餅鋪椒脆月團。

菊

百草諸香白露溥，一時非不哭湘沅。
千年獨有黃花瘦，爲伴行吟瘦屈原。

曹秀才

來爲親銘幾日留，歸船正遇荻花秋。
高檣莫戛江邊樹，恐有啼鳥在上頭。

默泉篇

其人善琴

泥金小扇月分團，淡淡煙煤寫默泉。
泉水有流不作響，正如琴上不絢絃。

漫曲

聞道張家燕子樓，青羅小帽惡梳頭。
花枝誰肯先春老，無奈風吹雨打愁。

古意

只堪話舊作生涯，若論風情鬢有華。
記得金釵墮雙鳳，十年前夜舞誰家。

王元章墓

事見山陰志

君畫梅花來換米，予今換米亦梅花。安能喚起王居士，一笑花家與米家。

寄沈子

兩月歸家不出門，谿邊荷葉大如盆。不知近到西湖上，更大如盆有幾根。

贈孫山人

龍津先生高角巾，多能不特是詩人。昨宵與客溪橋上，話到風平水不鱗。

山陽歌醉中贈魯君

正韻

淮河流水盡蘆葦，明府冰清貌苦羸。却說故人禪竈冷，爲烹一尺鱖魚肥。

挽陳君之配蔣

風流賢達他人不知作哀語

幾許

陳君轄我飲青春，焦革賢閨釀絕倫。若舉醉鄉祠祭典，沈香先刻蔣夫人。

芙蓉死

舊種芙蓉今不活，跣趺秋草看明月。紅頰成都賣酒人，與歡亦是千年別。

麟

汝寧府光州光山縣於萬曆十三年二月二十日據高陌里民曹國隆同地方李童等呈稱本月十八日當四更時本庄偶見天光如電一時輒黑迨至五更忽又光如白晝居民畢起又黑如前衆相驚疑不知何謂逡巡達曉則有五色瑞氛都如霞采瀾漫亘空不意本日未時國隆家所畜牯牛大叫數聲產一麒麟胞破液流液乃黃色牛時舐麟血漉於

舌麟臥微動則見遍體迸射並是紅綠焰光須臾霏霧罩籠風雨大作群樹鳴吼塵土飛揚雨下如墨至十九日未時麟絕不向乳遂不喘息卽今馬家橋至磚橋一帶黑水尚存可驗隨該知縣牛應元王簿王汝政典史梁樸公同往視麟之遍體及頭尾四蹄並是龍鱗鱗却方樣湊縫所在並襯現紫色絨毛所據國隆等呈麟產於牛非常事等奈輒不乳無由進呈謹具圖畫一本并所呈由均乞轉

達 闕廷惟復別有定奪 右乃刪削彼處

文移以存其實

一辭羗馬獻蘭筋四海歌謠美漢文天為吾 皇厭
祥瑞不教麟犢惱明君 萬曆初有獻千里馬者却之

又

光山產麟光燭天無心在世去飄然魯叟若逢應不
哭不比哀公十四年

又

帝王瑞到我 皇真玉聖臣賢盡鳳麟即看閣上千

秋畫不羨牛邊數葉鱗

又

吾 皇已却千里馬天亦躊躇五采麟尚恐越裳重
譯至急傳黃紙與邊臣

又

清時麟天不須傷野老番為哭一場儻似角端能解
語欲傳一語奉 明王

又

鱗中許貢止常鱗但取冰鱗片磨新五馬敢團茶

餅一車不動荔枝塵。

又

南溱北旱禹湯年，何瑞能回。聖主憐親御布袍行。
十里汗香飛遶一壇圓。係實事

又

聞道麒麟鬪海東，親令白日蝕當中。牛腸鱗甲知何
物，干犯天光半夜紅。

漁鼓詞

情趣兩絕

盧家雙燕不雙栖，南浦鷓鴣日夜啼。紅綿如水平，金

火冷煖在郎歸不歸。

又

大唐自古諺魚洲，百賈囊錢入海流。央殺王人尋翠
羽，不知鸚鵡在高樓。

又

虎丘茶葉崑山歌，專諸骨董刻絲梭。明月大家消一
看，焉能人娶一嫦娥。

又

洞庭橘子覓芙蓉，菱茨菰香芋落花生。婁唐九黃三百

酒此是老人骨董羹

送林某

野客年來百事休，也憐歌板去難留。
若爲化作沿江柳，直管鶯聲到岸頭。

又

夏來涼夜似秋多，正好酣歌奈去何。
欲買纏頭無蜀錦，贈將白苧當紅羅。

設代林某答胡通政

銀臺相望渺銀河，激水情人待亦多。
妾本一身非兩

體，一時難作往來梭。

雲州舍身臺

欲留軀殼已貪哉，欲棄之貪更費猜。
一棄一留都不計，道人偶上舍身臺。

慕蘭篇

古樂府云一日三摩挲劇於十五女言好劍者之專錢君於蘭之慕亦然故用

其事

新篁砌曲圍成圃，碧玉垂花琢作條。
終歲摩挲兩無厭，劇於十五女兒腰。

竹枝詞

平淡中有微情

秋日高城大道邊，黃花無處不金錢。
撩鈿惹鬢無他事，只助青樓鏡裏妍。

又

弄玉吹簫在鳳樓，鳳鬟度曲亦悠悠。
略攢秋月雙蛾曉，直過行雲一鴈秋。

盤古社樹

大枝入漢拔龍虵，小葉涼人雨雪遮。
三代以來無此物，欲從青帝問年華。

托王老買瓦窰頭銀魚

寶坻銀魚天下聞，瓦窰青脊始聞君。
煩君自入簑衣伴，儘我青錢買二斤。

買得一貓雛，純黑而雄戲咏

柳條不必穿魚聘，花徑馮教撲蝶行。
從此牡丹須再畫，要看一線午時晴。

五洩

紫閨村中一線微，穿厨入竈浣裙衣。
無端流出高巖上，解與遊人作雪飛。

又

斗屋緊接大槽平長練難傾怒愈生絕似海門潮正
惡白頭翻貼黑沙行

五洩霧

茫茫一卵未曾分倍覺懸流渺一痕大似龍堂燈火
暗香煙幾縷白黃昏

五洩之寺曰龍堂

七十二峰歸來書寺壁 游興欲狂

五條挂練玉龍奔七十二峰鬼斧痕墮水墮驢都不
恨古來一死博河豚

自燕京至馬水竹枝詞

沙渾石澁夾山椒苦束桑乾水一條流出蘆溝成大
鏡石橋獅影浸拳毛

寫扇與毬兒

既已明珠隨口散誰能明月繞身飛何時接得裁文
錦送與毬兒作舞衣

嘉則哀緋而西

沈往弔少保
公故有後絕

最宜才子着紅衫萬里青天坐片帆何似雪深將酒
伴看君題字萬重巖

又

此去長江非浪遊，兩行別淚不勝秋。寄將三尺竹如意，爲我嚴灘敲石頭。

過陳氏園看杜鵑花花高可十五尺餘郡中無其比也

西蜀來時一寸高，如今丈五尚餘梢。翻霞弄日長空上，笑殺朱榴着地燒。

鏡湖竹枝詞

越女紅裙嬌石榴，雙雙蕩槳在中流。愁粧又怕旁人笑，一柄荷花遮滿頭。

又

杏子紅衫一女郎，鬱金衣帶一葦航。堤長水濶家何處，十里荷花分外香。

上谷邊詞

胡兒住牧龍門灣，胡婦烹羊勸客餐。一醉胡家何不可，只愁日落過河難。

又

風吹乾草沒沙泥，齧草奔風馬自蹄。却問駱駝何處去，大酋隨獵未曾歸。

又

胡兒處處路旁逢，別有姿顏似慕容。乞得杏仁諸妹

食射穿楊葉一翎風。虜最嗜糖。纏杏仁。

又

駱駝見柳等閒枯，虜見南膠命拚殂。倒與鴟夷留一

滴，問韜猶作卯兒姑。見高云駱駝見柳達子見。漢文與上。確頭為卯兒姑。

黃楊山

石牙初豁轉成舍，近頂如臍着一菴。谷口進來三萬

丈，數株松柏似江南。

又

巉崖立馬苦迷灣，破寺饑僧路懶攀。除却黃椒千萬

片，一株松蓋塔尖山。

秋熱更酷戲作吳系女郎葵扇詩

秋雨不來熱更強，蒲葵團扇滿筐箱。蠻娘只備涼傘

枕，未要橋邊寫上王。

無題

半生不復作鯨吞，白飲無紅攪不渾。今日不愁人不

醉，太真新出浴湯溫。

徐文長文集卷之十二

公安袁宏道中郎評點

豐干潘允宜左之校訂

題畫絕句

畫兩僮枕帚而睡疑是寒拾應人索咏

人間何日不塵生掃到何年掃得清輸與天台雙行者
睡彎茗帚午雞鳴

畫高嶺莫行僧衆

知是裁眉第幾盤客僧愁宿日低山頭陀指與煙生

處。只隔紅霞四五灣。

應別索又一幅

何方行脚兩緇衣，萬仞岡頭鳥際歸。
滿袖白雲天上物，下來放出世間飛。

白雲深山掘芝者

天外白雲必爾家，微紅雙頰飽朱砂。
神仙豈是靈芝得，枉用鋤壞紫霞。

女仙彈琴

流水東來響白虵，高松西畔隔紅霞。
彈琴未必神仙

事，只好呼儂女伯牙。

賦得奕仙

楸玉枰開暎指長，美人疑思倚新粧。
惟應賭墅風流客，與較斜飛勢一行。

題王質爛柯圖

閒看數着爛樵柯，澗草山花一剎那。
五百年來碁一局，仙家歲月也無多。

劉阮憶天台圖

去後重來訪碧山，當時曾此狎雲鬟。
傷心流水依然

綠。要見桃花如此難。

又

凡心自悔出天台，一見桃花一度哀。若使仙人知此意，還教流水引郎來。

月宮仙子圖

空中縹緲景光新，但似雲霞不似人。知道今來是何夕，桂花添得幾枝春。

賀知章乞鑑湖一曲圖

爽語

鏡湖無處無非曲，乞罷何勞乞賜爲。幸有雙眸如鏡

水一逢李白解金龜

盛懋秋江畫董堯年索題

楓江霽色浩無邊，故寫蓑衣挂釣船。莫笑漁郎多點檢，從來風雨起晴天。

李子送小景

李君小景入斯文，不用毫端力一分。更是山腰能簡便，墨痕斷處便成雲。

漁畫

摹想靈活

外看楊柳障漁汀，內必桃花閉武陵。曝網張魚等閒

事且登岸上逐花行

又

一翁醉夢一惺惺各有湘潭漁父情
添寫三閭來問答真成出相楚騷經

為杭人題畫

帳頭戲偶已非真畫偶如鄰復隔鄰
想到天為羅帳處何人不是戲場人

右帳竿木偶圖

又 極諧極趣

一處飛槌一踏橈鑼聲鼓韻走兒曹
無端士女如雲

集也要丹青費筆描

右打流星槌及踏高槈者

端陽題慕蘭雪畫

子美熱詩想見颯颯更虛

妙

十里空江一物無青簑曳雪老漁孤
酒筵正苦黃魚熱對此寒生綠葉蒲

唐伯虎古松水壁閣中人待客過畫

詼諧灑

脫

南京解元唐伯虎小塗大抹俱高古
壁松水閣坐何人若論游魚應着我

題折花美人圖 有古意

高髻阿那長袖垂玉釵彷彿挂羅衣折得花枝向寶鏡比妾顏色誰光輝

抱琵琶偶竚蕉陰美人 絕妙宮詞

離宮給事小青衣催送琵琶向瑣幃行到芭蕉忽回想去年此日嫁明妃

王元章削枝梅畫 公題畫諸詩信手揮灑無

不趣絕

皓態孤芳歷俗姿不堪復寫拂雲枝從來萬事嫌高

格莫恠梅花着地垂

畫梅時正雪下

誰寫孤山伴鶴枝早春窓下索題詩今朝風景偏相似是我尋他雪下時

題畫梅 往往以恒語取勝

鳧牛兩碟酒三卮索寫梅花四句詩想見元章愁米日不知幾斗換冰枝

又

從來不見梅花譜信手拈來自有神不信試看千萬

樹東風吹着便成春。

雲門寺題畫梅

景入幽

浮橋流水雪潺潺，客子來遊二月闌。
蓓蕾已青酸滿，樹梅花只就畫中看。

竹

諸詩俱蒼鬱得神

葉葉枝枝逐景生，高高下下自人情。
兩梢直拔青天，上留取根叢作雨聲。

又

郡城去海不爲遙，墨籜淋漓似鬱蛟。
莫遣風來吹一

葉恐於箋上作波濤。

又

竹石

片石蒼蒼映莽林，南宮如見拜難禁。
牛車若使能移去，賣與侯家五百金。

又

昨宵風雨折東園，那許從天乞一竿。
數葉傳神爲不朽，儒寒道瘦任人看。

又

林梢片石墨初籠，凍筆勾寒入指中。
急遣蒼頭沽一

槿破簾穿日盪杯紅。

又

筆底霜叢三四竿園中解籜兩三年修蛇拔尾當黃
土小鳳梳翎在碧天

又

修蛇有尾頻年墜小鳳爲翎幾日成輸與寒梢三十
尺春來祇用一雷驚。

又

人家宿紙幾時收紫兔尖尖走潑油竹影滿窓凉似

水斷厓疎雨數竿秋

又

昨夜窓前風月時數竿疎影響書幃今朝榻向溪藤
上猶覺秋聲筆底飛。

又

惟石初烘潑墨勻吳箋短短縮霜筠長空五尺青鸞
尾一半斜封在白雲

寫竹與某

時某客居桃葉渡口

桃葉渡頭一見君爲言峴上石榴裙相逢無錢可買

醉贈與竹枝撩白雲

都門五月寫竹送某君之官新昌

乃江西

君去新昌五月時都門日近火雲移贈君數葉迎風物併入高帆一道吹

勾勒竹

自緣勾勒減松煤非關白雪壓枝低梢似東坡碑上筆路人纔搨出深泥

畫筍遺許口北

口北嘗許筍
我以筍戲之

口北清饑似大蘇窮邊那得筍燒壚曾聞止渴消梅

子故寫龍孫與大夫

畫竹與吳鎮

聚榦垂梢凡幾重只須用墨一分濃卽令小節無此用也自成林一壑中

又

東坡畫竹多荆棘却惹評論受俗嗔自是俗人渾不識東坡特寫兩般人

倒竹

長箋白白墨焦焦倒掃青蛇挂一梢應有斷崖藏半

幅蒼藤翠蘚倚天高。

畫竹

東吳藥絹白濛濛。况值膠巒蓋內空。爛頰掃來孤鳳影。江湘細雨淡煙中。

舊作竹與其復要予再作答此

此竹是予昔所作。卽欲再作今不能。雀老旣然成海蛤。轉教爲雀可飛騰。

寫倒竹答某餉

胡麻綠菽兩尖堆。回施無他寫竹回。卷去忽開應恠

叫阜龍抽尾掃風雷。

竹石

青虵拔尾向何天。紫石如鷹啄兔拳。醉裏偶成豪健景。老夫終歲懶成眠。

寫竹擬送友人之官長沙

無不長沙弔賈生。賈生也自弔靈均。頭隨暗裏爭餐鱸。却把乾魚哭向人。

初春未雷而笋有穿籬者醉中狂掃大幅

臘尾春頭試爆餘。竹根驚笋兩三株。却馮一七疏黃

末竟奪雷州穩臥豬

寫竹壽郁穎上

穎上今年五十逢野人爲壽不堪供生移數葉淇園
綠但願君爲衛武公

畫筭竹賀許口北得子

小葉瀟瀟翠羽疎東攢西簇護龍雛蜀箋何用長三
丈數寸斑鱗見大都

菊竹

若不重陽費一壺那能了此菊花遺竹梢墨色潮如

此試看明朝有雨無

水仙雜竹

絕調

二月二日涉筆新水仙竹葉兩精神正如月下騎鸞
女何處堪容食肉人

荷

五月五日熱太烘疾揮紈扇不能攻欲呼小艇耶溪
去荷葉荷花十里風

又

一斗湖光不放寬却於紙上定波瀾犀盤黑盡渾無

蜜捧出茅山女道冠。

又

一瓣真成蓋一鴛。西風捲地僅能掀。花枝力大爭獅
子。丈六如來踏不翻。

又

荷葉五寸荷花嬌。貼波不碍畫船搖。想到熏風四五
月。也能遮却美人腰。

又

子建相逢恐未真。寄言筒是洛川神。東風枉與塗脂

粉。睡老鴛鴦不嫁人。

又

花垂葉倒露難擎。頸折鵝飛咽不鳴。漸看湖光平似
掌。秋來無處立蜻蜓。

又

五月蓮舟葦浦頭。長花大葉插中流。卽令遮得西施
面。遮得歌聲度葉不。

畫荷花送陳都揮往招寶

招寶青天碧鳳翔。沈香大士坐中央。知君一葉春濤

外遙指蓮花出海洋

畫荷壽某君

若箇荷花不有香，若條荷柄不堪觴。百年不飲將何爲，况直雙槽琥珀黃。

翎菊 亦不惡

研底毫端秋氣清，攢花簇葉筆通靈。看來不似籬邊色，拔取何天白鶴翎。

畫菊 情境恰合

身世渾如拍海舟，關門累月不梳頭。東籬蝴蝶閒來

往，看寫黃花過一秋。

又

經旬不食似蠶眠，更有何心問歲年。忽報街頭糕五色，西風重九菊花天。

牡丹

五十八年貧賤身，何曾妄念洛陽春。不然豈少胭脂在，富貴花將墨寫神。

雪牡丹

銀海籠春冷茜濃，松煤惡貌不能紅。太真月下胭脂

頗試問誰曾見影中

又 夾竹者

絳幘籠頭五尺長，吹簫弄玉別成粧。
不知何事粧如此，一道瑤天白鳳凰。

人有以舊抹牡丹索題者 引喻超達

何年草草抹花王，此日將題歲月忘。
拾得懶仙拋下，說不堪教贊舊皮囊。

遮葉牡丹

爲君小寫洛陽春，葉葉遮眉巧弄顰。
終是傾城嬌絕

世只須半面越撩人。

梨花 娟麗多情

名園深鎖麗長空，映戶搖扉一萬叢。
總使梅花開似雪，却輸毳雪打和風。

又

帶煙籠霧自生香，薄粉濃鉛不用粧。
莫以輕盈窺宋玉，馮將淡白惱何郎。

又

春雨春風能幾宵，吹香落粉濕還飄。
朝來試看青枝

上幾朶寒酥未肯消

又

早起春晴香霧肥。獨依殘月出墻圍。洛濱仙子波心立。號國夫人馬上歸。

又

輕風吹霧散朱門。影落馮誰寫素魂。萬里曉天微有暈。終宵明月欲無痕。

題畫梨花折枝

粉暈微銷墨一絲。春風春雨未來時。名園無此好顏

色。知是宮中第幾枝。

水僊

窮仙仙窟識錢有其人

杜若青青江水連。鷓鴣拍拍下江煙。湘夫人正蒼梧去。莫遣一聲啼竹邊。

又

百品嬌春俗却春。一清無可擬丰神。銀鈿縞袂田家婦。絕粒休糧女道人。

又

略有風情陳妙常。絕無煙火杜蘭香。昆吾鋒盡終難

似愁殺蘇州陸子剛

陸子剛蘇人
碾玉妙手也

又

海廟元君斷百葷粉腮腮頰葉如焚江心羅襪從渠
踏不亂長波皺綠紋

又

姊妹商量明月隄夜粧莫解綠鬟絲黃陵廟口無多
路去聽女郎歌竹枝

雪水仙

雪行白鸞無力海綉冰玉京固是朝天

路如此清寒苦不勝

水仙蘭

索神自遠

自從生長到如今煙火何曾着一分湘水湘波接巫
峽肯從峰上作行雲

葡萄

半生落魄已成翁獨立青齋嘯晚風筆底明珠無處
賣閒拋閒擲野藤中

又

出語大方

數串明珠挂水清醉來將墨寫能成當年何用相如

壁始換西秦十五城。

又

自從初夏到今朝、百事無心總棄拋、尚有舊時書、
筆、偶、將、蘸、墨、點、葡、萄、

又

昨歲中秋月倍圓、海南母蚌太躄眠、明珠一夜無人、
管、逆、向、誰、家、壁、上、懸、

王生索寫葡萄

王生昔日好容顏、今日相逢范叔寒、贈與明珠三百

顆、誰、知、一、顆、不、堪、餐、

杏花

道人懶爲着色物、偶施小茜作嬉游、人言杏花可摘、
賣、挂、向、街、頭、試、買、不、

雪粉團

語極調謔得此花真始肖

北斗垂天錦帳橫、景陽催妾未雞鳴、燈昏鏡暗粧無、
準、糝、粉、過、眉、與、鼻、平、

畫石榴

五寸珊瑚珠一囊、秋風吹老海榴黃、宵來酒渴真無

奈喚取金刀劈玉漿。

榴

山深秋老得境異人

略着胭脂染一堆，蛟潭錦蚌挂人眉。
山深秋老無人摘，自迸明珠打雀兒。

玉簪花

老人一掃秋園卉，六片尖尖雪色流。
用盡邢州砂萬斛，未便琢出此搔頭。

芭蕉

蕉鹿相沿誤故亦不避

紅棘黃荆樵斧歸，芭蕉學畫指如椎。
中間一葉渾相

識記得前生蓋鹿來。

沈君索題所畫卉賀人新婚

蓮花如妾葉如郎，畫得花長葉亦長。
若使畫蓮能並蒂，不須重畫兩鴛鴦。

黃薔薇

芳氣欲流

薔薇黃似月初華，難寫芳香只寫花。
若使移生南海國，取將露水粉宮娃。

木筆花

束如筆穎放如蓮，畫筆臨時兩鬪妍。
料得將開園內

日霞箋雨墨寫青天。

茉莉花

南海曾經駐客驂，芳稱茉莉荔稱甘。如今畫裏看花色，記得依稀似海南。

畫海棠

與前首意同此却勝

海棠弄春垂紫絲，一枝立鳥壓花低。去年二月如曾見，却是誰家湖石西。

畫玫瑰花

畫裏看花不下樓，甜香已覺入清喉。無因摘向金陵

去，短檝長丁送茗甌。

青門山人畫滇茶花

清麗幽雅

武林畫史沈青門，把兔中藤善寫生。何事胭脂鮮若此，一天露水帶昆明。

蘭

四語中幽情冉冉

莫訝春光不屬儂，一香已足壓千紅。總令摘向韓娘袖，不作人間腦麝風。

松竹梅

朱碧嬌啼二月鶯，却都輸與此三君。若添明月孤來

鶴踏亂松尖一片雲

大醉作勾竹兩牡丹次日始得題

畫也昨日題今朝酒杯雖冷墨猶潮湘娥總有凌波色姊妹江東數二喬

作荷蘆於是日亦次朝題

蘆上荷花高一尋蘆中夏色凍陰陰興雖有餘筆禿盡難畫鷓鴣照淺深

芭蕉墨牡丹

公詩蕭散繩墨家豈易識

知道行家學不來爛塗蕉葉倒莓苔馮伊遮蓋無鹽

墨免倩胭脂抹瘦腮

芭蕉玉簪

巧喻天然

爛醉中秋睡起遲蒼蠅留墨研頭池合歡翠扇遮羞面白玉搔頭去嫁誰

芭蕉雞冠

率爾會心

芭蕉葉下雞冠花一朶紅鮮不可遮老夫爛醉抹此幅雨後西天忽晚霞

梅桂諛草

金陵梅桂餽酥蒸北地黃花摻肉羹一吸葡萄春五

斗旋移狂墨寫劉伶。

枯木石竹

公之為詩畫言盡於此

道人寫竹并枯叢。却與禪家氣味同。大抵絕無花葉相。一團蒼老莫煙中。

題畫

白頭翁亦戀花枝。飛上桃花影自窺。若使逢花不能賞。也應花鳥笑人痴。
右白頭翁桃花

又

雷雨垂垂翠色繁。古松陰裏了歌喧。問渠何事為人

語。我愛山中聽鳥言。

右了哥古松了哥即鸚鵡類也

又

金縷圍睛可一針。端州石子爾為珍。夜來迸破封函土。飛入誰家苦竹林。
右苦竹對荷

又

凍合梅花暝色多。雙鳩鳴喚坐交柯。雀心愁雪正欲絕。呼雨呼晴奈爾何。
右鳩梅

獨喜萱花到白頭圖

問之花鳥何為者。獨喜萱花到白頭。莫把丹青等閒

看無聲詩裏頌千秋

題花圖

金谷園中花草新，太湖石畔鬪芳春。
紅顏笑臉如撩客，粉面藏頭羞見人。

書花冊送王生

送客之燕上馬時，圖花滿冊各成詩。
河橋楊柳如教見，應喜相饒贈別枝。

詠畫降龍

愜關飛動終接混茫

乾坤紙上黑騰騰，爪股風雷墨所生。
一雨盡歸燒尾

德世間誰識有曹興

躍鯉送人

昔人畫龍破壁去，余今畫鯉亦龍儔。
墨到鬣邊忽一逸，令人也動點睛愁。

又

鱗鬣不殊點額歸，丰神却覺有風威。
不添一片龍門石，方便凡魚作隊飛。

又

明春杏花人滿頭，今年且占木樨秋。
老夫醉寫龍門

罷閒看盆魚自在遊

魚蝦螺螿

魚蝦螺螿藻萍鮮一榼新醪一柳穿不是老饕貪嚼
甚臂枯難舉筆如椽

題畫螿

誰將畫螿托題詩正是秋深稻熟時飽却黃雲歸穴
去付君甲冑欲何爲

松根醉眠道士一幅

五斗劉伶不認家頭巾着處打昏鴉松根白石且眠

我頭上青天馮着他

又

不負青天睡這場松花落盡尚黃梁夢中有客剗腸
看笑我腸中只酒香

雜品

魚螿瓜蔬笋豆香溪藤一斗小方方校量總是寒風
味除却江南無此鄉

柳渚雙魚

一行楊柳春將綠兩箇魚兒活欲飛跳入研池等閒

事只愁研水濕人衣

蘆汀鳴鴈圖

蘆洲無伴賣孤鳴，畫者無情看有情。才與不才俱未免，九原難起問莊生。

鳴鳥圖

樹杪參雲穩稱棲，啾啾小鳥喚誰知。似分綠葉遮朋友，不肯將身占一枝。

畫布谷

片墨圖枝布谷棲，停毫覓句意何遲。爲驚轉眼流光

速，又是農簑細雨時。

書畫兔中有一白雉

劣蹄凡毳等閒同，獵處難嬰宋鵲鋒。中有霜毫真逸足，騰身高入月明中。

郭恕先爲富人子作風鳶圖，償平生酒肉之餉。

富人子以其謾已謝絕之意，其圖必立遭毀。

裂爲蝴蝶化去久矣。子慕而擬作之，噫童子。

知羨烏獲之鼎，不知其不可扛也。雖然來丹。

計粒而食，乃其報黑卵必請宵練，快自握亦。

取其意之所趨而已矣每一圖必隨景悲歌
一首竝張打油叫街語也亦取其意而已矣
柳條搓線絮搓綿搓夠千尋放紙鳶消得春風多少
力帶將兒輩上青天

又

春風語燕潑堤翻晚笛歸牛穩背眠此際不偷慈母
線明朝孤負放鳶天

又

鳶於兒輩何相關苦要風高九萬搏無限片帆當此

際錢塘江上雪如山

又

我亦曾經放鷓鴣今來不道老如斯那能更駐遊春
馬間看兒童斷線時

又

縛竹糊腔作鳥飛崩風墜雨爛成泥明朝又是清明
節鬪買餠糖柳市西

又

江北江南紙鷓鴣齊線長線短迥高低春風自古無憑

據一任騎牛弄笛兒

又

剪楮披篁重幾分，橫天直去攪風雲。
風雲去攪猶言可誤殺，低頭看鴨人。

又

紙鳶一塊去飄綿，不及三朝颺木鳶。
更有大風君信不能翻，磨扇上高天。

又

我驚南海颺風年，屋瓦飛空攪蝶眠。
試取紙鳶當此際，可能背去負青天。

際可能背去負青天

又

海上人相傳一見將食，鴈寄線於腰，忽大風拔爲向海，見竟墮地，收其骸，鴈猶在掌中。

風微欲上不可上，風緊求低不得低。
渡海一憑儂自渡，可憐帶殺弄錫兒。

又

剡藤湘篾一片雪，彷彿孤飛野鶴雲。
畫取此圖酬酒債，未爲輕薄有錢人。

又

村庄兒女競鳶嬉，憑仗風高我怕誰。
自古有風休畫

使竹腔麻縷不堪吹

又

高高山上鷄兒飛，山下都是刺棠梨。只顧鷄飛不顧腳踏着棠梨，纔得知。

又

箏兒箇箇競低高，線斷箏飛打一交。若箇紅靴不破綻，若人紅襖不塵糟。

又

偷放風鳶不在家，先生差伴沒尋拿。有人指點春郊

外雪下紅衫便是他

又

一方紙鷄一絲提，四箇金剛四塊泥。我亦誰家紅頂搭一天風雨，看鵬飛。

又

愛看鑽天鷄子高，不知前後只知跑。風吹昨夜棠梨折，卧刺如針伏板橋。

又

只因一線引鳶孤，跑過村鄉第幾都。小可見郎三五

輩壞將多少綠靡蕪

又

春來偏與老人雛腰脊如弓項領柔看鷄觀燈都好景正難高處去擡頭

又

百丈牽風假鷄飛不知斷去寸難持若留五尺殘麻在還好漁翁撚釣絲

又

鷄材料取剩糊窓却嚇天鷺撲地降到得爺娘查線

脚折他鞋襪兩三雙

又

不向書堂講課勤糊藤拗竹覓風雲庭前幾葉瀟湘色禁得見們幾斧斤

又

風吹鳶線攪成團挂在梨花帶燕還此日見郎渾已盡記來嘉靖八年間

又

嬌養嬌生嬌性情鷄兒高別兩三層春郊十里錫糖

盡買奉他家小主人

又

新生犢子鼻如油，有索難穿百自由。
纔見春郊鳶事歇，又搓彈子打黃頭。

朱太僕扇面花鳥

湘簾金泥半月歛，海棠淡淡抹胭脂。
多情更看啼春鳥，立軟嬌枝未肯飛。

徐文長文集卷之十

終

補遺

寄登州蔡守備都使

登州有海市而都使成君余故人也作書來
誇其景兼寄蓬萊集一部令渭賦詩一首將
刻入其中小蓬萊者元稹謫越詩中之語也
牙門遙映列仙臺，總帥偏宜上將才。
出海戈矛俱借水，飛空矢石并成雷。
天邊送鴈將心往，馬上題書帶景來。
解道觀遊憐獨往，那能分向小蓬萊。

過許君草堂

高門偏自傍城隅車騎迎賓席每虛西去垂楊臨大道東來流水接清渠窓疏積曙晨搖筆花樹棲螢夜映書更喜數爲文字飲新秋還得慰僑居

咏觀音蓮

猶聞火裏蓮能長今見蓮從陸地栽廣葉祇馮圓性轉龕花全借法身開叢搖寶鬘空中去氣達旃檀雨後來試問集觀誰具眼解將真見聽飛埃

咏落葉

秋來一葉杳然飛無奈秋風葉葉隨昨夜井梧應盡

颯誰家霜笛莫頻吹掃從門外賓方至積向爐邊茗一炊但苦夜深和蟋蟀倍添蕭瑟不勝悲

宿秦仲虛初陽臺上

風引青霞曳徑長千尋臺古映初陽何如下有編蘿屋避世身棲白鳳凰

徐文長文集卷之十三

公安袁宏道中郎評點

豐干潘允宜左之校訂

詞

如夢令

寶珠齋飯罷。筋響梳寂爲作一偈。時宿東天目。
兩隻脚挨轉磨。一副牙關嚼錯。連日施藥醫人。大似
把船放舵。錯過錯過。莫被寶公瞧破。

菩薩蠻

閨人織趾

千嬌更是羅鞋淺。有時立在鞦韆板。板已窄。稜稜猶
餘三四分。紅絨止半索。繡滿幫兒雀。莫去踏香塵。
遊人量印泥。

眼兒媚

書唐伯虎所畫美人

吳人慣是畫吳娥。輕薄不勝羅。偏臨此種粉肥雪重。
趙燕秦娥。可是華清春晝。永睡起海棠麼。只將穠
質欺梅壓柳。雨罷雲拖。

鷓鴣天

竹爐湯沸火初紅

客來寒夜話頭頻。路滑難沾麩米春。點檢松風湯老
嫩。退添柴葉火新陳。傾七碗對三人。須臾梅影上
冰輪。他年若更爲圖畫。添我爐頭倒角巾。

蔣三松風雨歸漁圖

蘆長葦短挂青楓。墨潑毫狂染用烘。半壁藤蘿雄水
口。一天風雨急漁翁。簑笠重釣竿濛。不教工處是
真。工市客謾猜陳萬里。惟子認得蔣三松。

鵲踏花翻

美人解

鑼鼓聲頻。街坊眼慢。不知怎上高高騎。生來少骨多筋。軟陡騰翻。依稀畧借鞍和轡。作時鵲打雪。風天停。猶燕掠桃花地。下地不動些兒。珠翠堪描耐舞軍裝。伎多少。柳外妖嬌樓中笑。指顛倒金釵。墜無端歸路。又逢誰。斜陽繫馬陪他醉。

鳳凰臺上憶吹簫

畫中側面琵琶美人

湖石陰中。柀欄影外。天然一箇官娃。悄無人與共。自弄琵琶。撥掃忽成。朴撒恍搖却。鈿翠鬟雅如花。畔蜂撩未定。戰殺其花。勻搽梨腮。雙靨那半面。剛被這半面相遮。問何時展過。得見此些些。除是遞將紅葉。應川流水之涯。俄成訝。綠來畫也。一笑看差。

徐文長文集卷之十三

終